

Երեւան այսպէս

ՄԱՅՐ ԱԹՈՒ ՍՈՒՐԲ ԷԶՄԻԱՏՆԻ
ԿՐՈՆԱԿԱՆ, ՄԵԿՎՈՒԹԱՅԻՆ,
ԼՐԱՏՎԱԿԱՆ ԵՐԿԵԱԲԱԹԱԹԵՐԹ



Մայր Աթոռում կատարվեց սարկավագների ընծայման կարգը

Նոյեմբերի 23-ին Միաձնաէջ Մայր տաճարում կատարվեց Մայր Աթոռ Սուրբ Էջմիածնի տարբեր կառույցներում և թեմերում սպասավորող վեց սարկավագների ընծայման կարգը՝ ձեռամբ Արթիկի թեմի առաջնորդ Ս. Նարեկ եպս. Ավագյանի:

Հաջորդ օրը նորընծաները Մայր տաճարում արժանացան քահանայական օծման ու ձեռնադրության:

Ամենայն Հայոց Կաթողիկոսն ընդունեց նորած եկեղեցականներին

Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսը նոյեմբերի 26-ին ընդունեց Միաձնաէջ Մայր տաճարում օրեր առաջ քահանայական կոչման արժանացած 6 եկեղեցականներին՝ առաջնորդությամբ Մայր Աթոռ Սուրբ Էջմիածնի լուսարարապետի պաշտոնակատար Տ. Հարություն վրդ. Կիրակոսյանի և Արթիկի թեմի առաջնորդ Ս. Նարեկ եպս. Ավագյանի:

Հանդիպմանը հայր Հարությունը Ամենայն Հայոց Կաթողիկոսին ներկայացրեց նորածներին՝ հայցելով Նորին Սրբության օրհնությունն ու պատգամը ձեռնադրյալներին: Նարեկ սրբազանն իր հերթին երախտագիտություն հայտնեց Հայոց Հոգևորականության քահանայական ձեռնադրություն կատարելու պատվին արժանացնելու համար:

Այնուհետև քահանայական ձեռնադրության առիթով հոգևորականներին շնորհավորեց Ամենայն Հայոց Կաթողիկոսը՝ բերելով նրանց իր հայրական օրհնությունն ու բարեմաղթանքները:

Վեհափառ Հայրապետը հորդորեց նորած քահանա հայերին լինել արժանավոր եկեղեցականներ, իրենց նվիրյալ ծառայությամբ բարձր պահել



Հայոց եկեղեցու բարի համբավն ու հեղինակությունը, զորացնել հայորդիների սրտերում աստվածսիրությունը, հայրենասիրությունն ու եկեղեցասիրությունը: Հայոց Հոգևորականության ղեկավարներին պատգամեց հոգեխնամ ու կրթադաստիարակչական գործունեությամբ նպաստել հայ ժողովրդի առջև ծառացած մարտահրավերների հաղթահարմանը:

Վեհափառ Հայրապետն իր գնա-

հատանքը բերեց ձեռնադրող Նարեկ սրբազանին, ինչպես նաև Մայր Աթոռի հոգևոր կրթական հաստատությունների տեսչությանն ու լուսարարապետությանը՝ եկեղեցականների պատրաստության և ձեռնադրության գործում ներդրած ջանքերի համար:

Վերջում Նորին Սրբությունը Պահպանիչ աղոթքով օրհնեց քահանա հայերին՝ մաղթելով արդյունաշատ հոգևոր առաքելություն:



Քահանայական ձեռնադրություն Մայր Աթոռ Սուրբ Էջմիածնում

Նոյեմբերի 24-ին Միաձնաէջ Մայր տաճարում, Ն. Ս. Օ. Տ. Տ. Գարեգին Երկրորդ Ծայրագույն Պատրիարք և Ամենայն Հայոց Կաթողիկոսի օրհնությամբ, իրենթաց սուրբ պատարագի՝ կատարվեց քահանայական ձեռնադրություն:

Պատարագիչն էր Արթիկի թեմի առաջնորդ Ս. Նարեկ եպս. Ավագյանը, որի ձեռամբ քահանայական ձեռնադրության և օծման արժանացավ Մայր Աթոռի տարբեր կառույցներում և թեմերում սպասավորող վեց սարկավագ: Սուրբ պատարագի ընթացքում Նարեկ սրբազանը, քահանայության կոչելով նորընծաներին, սրբալույս մյուռոնով օծեց նրանց ճակատներն

ու ձեռքերը, ինչպես նաև նորած եկեղեցականներին շնորհեց հոգևոր նոր անուններ:

Տիգրան սրկ. Սարգսյանը վերակոչվեց Ս. Նարեկ քահանա, Գալուստ սրկ. Վարդանյանը՝ Ս. Երեմիա քահանա, Կարեն սրկ. Սարգսյանը՝ Ս. Վիրապ քահանա, Արեգ սրկ. Մխիթարյանը՝ Ս. Մաշտոց քահանա, Դավիթ սրկ. Ստեփանյանը՝ Ս. Աբել քահանա, Արման սրկ. Բաղդասարյանը՝ Ս. Արամ քահանա: Այնուհետև նորած քահանաներն իրենց անդրանիկ օրհնությունը փոխանցեցին ներկայներին:

Սրբազան հայրը, իր քարոզում անդրադառնալով քահանայության խորհրդին և դիմելով նորած

քահանաներին, նշեց. «Քահանայի առաքելությունն է նվիրում ու սիրով իրականացնել իր ծառայությունը ժողովրդի զավակներին: Ավետարանն էլ հենց դրա մասին է ասում. «Տիրոջ Հոգին ինձ վրա է, դրա համար իսկ օծեց ինձ, ինձ ուղարկեց աղքատներին ավետարանելու, սրտով բեկյալներին բժշկելու, գերիներին ազատուն քարոզելու և կոյերին՝ տեսողություն, կեղեքվածներին ազատ արձակելու, Տիրոջը ընդունելի տարին հռչակելու» (Ղուկ. Դ 18–19): ...Մեր նորած քահանաներն այդ պատասխանատվությունը հանձն առան՝ լինելով աստվածային ճշմարտության հուշարարն ու լու-

սարարը, Տիրոջ խոսքի մատակարարն ու մատմվակը»:

Սրբազան հայրն անդրադարձ կատարեց նաև հոգևոր ծառայության ընթացքում հանդիպող դժվարություններին: Այս առնչությամբ Նարեկ եպիսկոպոսը հորդորեց նորած քահանա հայերին քաջությամբ կրել իրենց վիճակված խաչը՝ ապավինելով Տիրոջ զորությանը:

«Ձեր քահանայագործության ընթացքում կլինեն սպասումի, վախի, տառապանքի օրեր, կունենաք նաև մխիթարության ու երանության զգացումներ, սակայն յուրաքանչյուր օրվա մեջ Աստծու սերը մշտապես կուղեկցի ձեզ, որով կկարողանաք հաղթահարել

սպասումի անձկությունը, վախի տագնապը, տառապանքի փուլը և զվարճանքի պղպջակային խաբուսիկությունը: Ահա ձեր ճշմարիտ ծառայության գաղտնիքը. սեր, որ պիտի ստանաք Աստծուց և բաշխեք ժողովրդին»,- նշեց պատարագիչ սրբազանը:

Վերջում Նարեկ եպիսկոպոսը հայցեց ամենքի զորակցությունը, որպեսզի նորած քահանաներն իրենց վիճակված դժվարին ճանապարհը կարողանան անցնել արդարությամբ ու ճշմարտությամբ՝ Տիրոջ առջև անվարան կերպով աղաղակելով՝ «Ահավասիկ ես և մանկունքն իմ»:



Կատարվեց Սուրբ Թադեոս և Սուրբ Բարդուղիմեոս առաքյալների նախատոնակը

Նոյեմբերի 29-ին՝ երեկոյան ժամերգության ավարտին, Միաձնաեջ Մայր տաճարում կատարվեց հայոց առաջին լուսավորիչներ Սուրբ Թադեոս և Սուրբ Բարդուղիմեոս առաքյալների նախատոնակը, որի ընթացքում դուրս բերվեցին սրբերի մասունքները:

Ի Տեղ հանգավ Տ. Գարեգին արք. Բեկչյանը

Ցավով տեղեկացնում ենք, որ նոյեմբերի 21-ին՝ կյանքի 82-րդ տարում, ծանր հիվանդությունից վախճանվել է Մայր Աթոռ Սուրբ Էջմիածնի երիցագույն միաբաններից Տ. Գարեգին արք. Բեկչյանը:

Ն. Ս. Օ. Տ. Տ. Գարեգին երկրորդ Ճայրագույն Պատրիարք և Ամենայն Հայոց Կաթողիկոսը և Մայր Աթոռի միաբանությունը խորապես սգում են բազմավաստակ Գարեգին սրբազանի մահը՝ աղոթելով երջանակալիշատակ սրբազան հոր հոգու հանգստության և խաղաղության համար:

«Յիշատակն արդարոյն օրհնութեամբ եղիցի»:

Կենսագրություն

Ծնվել է 1942 թ. Կոստանդնուպոլսում (Թուրքիա): Ավագանի անունը՝ Տիգրան:

Նախնական կրթությունն ստացել է Կ. Պոլսի Վիեննական Միաբանության վարժարանում:

1956 թ. — սովորել է Կոստանդնուպոլսի Ս. Խաչ դպրեվանդանում:

1962 թ. — սովորել է Կոստանդնուպոլսի համալսարանում:

1968 թ. — սովորել է Բոննի համալսարանում (Գերմանիա):

1969 թ. — սովորել է Բոնի համալսարանում:

1963 թ. — ձեռնադրվել է սարկավագ՝ ձեռամբ Տ. Շնորհք արք. Գալուստյանի:

1965 թ. — ձեռնադրվել է կուսակրոն քահանա՝ ձեռամբ Տ. Շնորհք արք. Գալուստյանի:

1970 թ. — ստացել է մասնավոր վարդապետության 4 աստիճան՝ ձեռամբ Տ. Շնորհք արք. Գալուստյանի:

1992 թ. — ստացել է ծայրագույն վարդապետության աստիճան՝ ձեռամբ Տ. Գարեգին արք. Գազանճյանի:

1992 թ. — ձեռնադրվել է եպիսկոպոս՝ ձեռամբ Ն. Ս. Օ. Տ. Տ. Վազգեն Ա Ամենայն Հայոց Կաթողիկոսի:

1998 թ. — ստացել է արքեպիսկոպոսի պատիվ՝ ձեռամբ Ն. Ս. Օ. Տ. Տ. Գարեգին Ա Ամենայն Հայոց Կաթողիկոսի:

1973—1976 թթ. — ծառայել է Մարսելի (Ֆրանսիա) Ս. Կարապետ հայկական եկեղեցում՝ որպես հոգևոր հովիվ:

1976—1994 թթ. — ծառայել է Մարսելի Սրբոց Թարգմանչաց Մայր եկեղեցում՝ որպես հոգևոր հովիվ:

1992—1998 թթ. — եղել է Գերմանիայի հայոց թեմի առաջնորդ:

2014—2019 թթ. — եղել է Գերագույն հոգևոր խորհրդի անդամ:

2017—2019 թթ.— եղել է Կոստանդնուպոլսի հայոց պատրիարքության պատրիարքական տեղապահ:

Մայր Աթոռ Սուրբ Էջմիածնում նշվեց հայոց առաջին լուսավորիչների տոնը

Նոյեմբերի 30-ին Հայաստանյայց Առաքելական Սուրբ Եկեղեցին տոնախմբեց հայոց առաջին լուսավորիչներ Սուրբ Թադեոս և Սուրբ Բարդուղիմեոս առաքյալների տոնը:

Դեռևս 2014 թվականին տոնը Ն. Ս. Օ. Տ. Տ. Գարեգին երկրորդ Ճայրագույն Պատրիարք և Ամենայն Հայոց Կաթողիկոսի սրբատառ կոնդակով հռչակվել է Աստվածամուկ սուրբ գեղարդի ուխտի օր:

Այդ օրը հավատացյալների օրհնության համար դուրս է բերվում Մայր Աթոռ Սուրբ Էջմիածնում պահվող համաքրիստոնեական սրբությունը:

Բերկրառատ տոնի առիթով, Հայոց Հայրապետի հանդիսապետությամբ, Միաձնաեջ Մայր տաճարում մատուցվեց սուրբ պատարագ: Պատարագիչն էր Մայր Աթոռի քրիստոնեական դաստիարակության կենտրոնի տնօրեն Տ. Զաքարիա Ծ. վրդ. Բաղումյանը:

Սուրբ պատարագին ներկա էին Մայր Աթոռում պաշտոնավարող եպիսկոպոսներ, միաբաններ հայաստանյան թեմերի առաջնորդներ և բազմաթիվ ուխտավորներ:

Սուրբ պատարագի ընթացքում եկեղեցական թափորի առաջնորդությամբ, Գարեգին երկրորդ Ամենայն Հայոց Կաթողիկոսի ձեռամբ, Մայր տաճար բերվեց աստվածամուկ սուրբ գեղարդը:

Անդրադառնալով Հայոց աշխարհի առաջին լուսավորիչների տոնի խորհրդին՝ հայր սուրբն ընդգծեց առաքյալների դերակատարությունը մարդկության պատմության և հայկական իրականության մեջ, որոնց քարոզության շնորհիվ Քրիստոսի սիրովարդապետության հունդերը ոչ միայն սերմանվեցին Հայոց հողում, այլև հետագայում պտղաբերեցին և դարձան մեր ինքնության անբաժանելի մասը: «Այսօր նվիրական օր է Հայոց եկեղեցու և նրա անդամների համար, քանզի եկել ենք միասնաբար



հայցելու Ս. Թադեոսի և Ս. Բարդուղիմեոսի բարեխոսությունը Տիրոջ մոտ Հայկ Նահապետի սերնդի համար, վերանորոգելու մեր ուխտը Հայոց եկեղեցու և նրա գահակալի հանդեպ՝ առավել նախանձախնդրությամբ և նվիրումով լծվելով հայոց պետականության զորացման սրբազան առաքելությանն ու ազգային-քրիստոնեական ինքնության պահպանությանը: Երբեք չմոռանաք, որ լինել առաքելական նշանակում է վերահաստատել հավատարմությունը Տիրոջ, Աստծու խոսքի և Մայր եկեղեցու հանդեպ՝ մեր լուսավոր նախնիների նման անա-

ղարտ պահելով ուղղափառ հավատը և ամենուր սփռելով հարության լույսն ու հույսը», — նշեց հայր Զաքարիան:

Սուրբ պատարագի ավարտին Հայոց Հովվապետը «Պահպանիչ» աղոթքով և հրաշագործ սուրբ գեղարդով օրհնեց ներկա ժողովրդին, ապա հավատացյալներին հնարավորություն ընձեռվեց երկրպագելու ու համբուրելու համաքրիստոնեական սրբությունը:

Աստվածամուկ սուրբ գեղարդը Մայր տաճարում մնաց մինչև երեկոյան ժամերգության ավարտը:

Քահանայական ձեռնադրություն Մայր Աթոռ Սուրբ Էջմիածնում



← էջ 1

Ապա Մայր Աթոռի միաբաններն ու ներկա հոգևորականաց դասը բարձրացան Սուրբ Խորան, շնորհավորեցին քահանաներին և համբուրեցին վերջիններիս մյուսնոնաբույր ճակատներն ու ձեռքերը՝ ստանալով անդրանիկ «Ողջույնը»:

Նույն օրը՝ երեկոյան, Մայր տաճարում կատարվեց վեղարի տվչության արարողություն:

Տ. Վիրապ և Տ. Մաշտոց քահանաները վեղար ստացան ու համալրեցին Մայր Աթոռ Սուրբ Էջմիածնի միաբանության շարքերը:

Նորած քահանաները Մայր Աթոռ Սուրբ Էջմիածնում կանցկացնեն քառասունյա պատրաստության և աղոթքի շրջան, որից հետո ծառայության կկոչվեն Հայ եկեղեցու տարբեր կառույցներում և թեմերում:

Կատարվեց Մայր Աթոռ Սուրբ Էջմիածնի և ազգային բարերար տիար Զեռարդ Թրքանճյանի թաղման կարգը

Նոյեմբերի 27-ին Մայր Աթոռ Սուրբ Էջմիածնի Սրբոց Հրեշտակապետաց եկեղեցում Ն. Ս. Օ. Տ. Տ. Գարեգին երկրորդ Ճայրագույն Պատրիարք և Ամենայն Հայոց Կաթողիկոսի նախագահությամբ կատարվեց Մայր Աթոռ Սուրբ Էջմիածնի և ազգային բարերար տիար Զեռարդ Թրքանճյանի թաղման կարգը:

Արարողությանը ներկա էին հանգուցալի ընտանիքի անդամները, հարազատները, մտերիմները, ինչպես նաև ՀԲԸՄ-ի կենտրոնական վարչության անդամներ ու Մայր Աթոռի միաբաններ:

Վերջում Ամենայն Հայոց Կաթողիկոսը, իր ցավակցությունը բերելով ներկաներին, անդրադարձավ հայրենանվեր, եկեղեցաւեր հայորդու՝ լուսահոգի տիար Զեռարդ Թրքանճյանի վաստակին և նրա ազգաշահ իրագործումներին:

Լրատվական նյութերը՝
Մայր Աթոռ Սուրբ Էջմիածնի
տեղեկատվական համակարգի



Գերագույն հոգևոր խորհուրդ — 100

Մայր Աթոռ Ս. Էջմիածնի տարբեր կառույցների կողմից հրապարակվող պաշտոնական հաղորդագրություններին պարբերաբար հետևող յուրաքանչյուր ոք հաճախ է լսում «Գերագույն հոգևոր խորհուրդ» անունով մարմնի, նրա կողմից անցկացվող միատերի և ընդունած որոշումների մասին: Շատերը, սակայն, հավանաբար տեղյակ չեն այս կառույցի, հատկապես նրա ստեղծման շարժառիթների, նաև կառուցվածքային փոփոխությունների, իրավասությունների մասին: Գերագույն հոգևոր խորհրդի հիմնման 100-ամյակը թերևս հարմար առիթ է՝ հակիրճ անդրադառնալու վերոնշյալ հարցերին, նաև խորհրդի գործունեության որոշ հայեցակետերին:

Նշենք, որ «Էջմիածին» ամսագրի 1984 թ. Ժ համարում անդրադարձներ կան Գերագույն հոգևոր խորհրդին՝ կառույցի ստեղծման 60-ամյակի առիթով, հրատարակվել է նաև Ամենայն Հայոց Գևորգ Ե Կաթողիկոսի սրբատառ կոնդակը՝ Մայր Աթոռ Ս. Էջմիածնում Գերագույն հոգևոր խորհուրդ հաստատելու մասին:

Գերագույն հոգևոր խորհուրդն ստեղծվել է 1924 թ. հունվարի 1-ին՝ Ամենայն Հայոց Գևորգ Ե Սուրենյանց Կաթողիկոսի նախաձեռնությամբ և տնօրինությամբ: Դրան նախորդող շրջանում հուսկան կայսրության իշխանությունների կողմից Հայոց եկեղեցու կառավարման համակարգում կարևոր մարմին էր Սինդոն (1837–1917), որի փոխարեն էլ, ըստ էության, ստեղծվեց այս նոր կառույցը՝ հաշվի առնելով ստեղծված հասարակական-քաղաքական նոր իրողությունները, մասնավորապես՝ եկեղեցու անջատումը պետությունից՝ ըստ 1922 թ. փետրվարի 2-ին հաստատված խորհրդային Հայաստանի նոր սահմանադրության: Գևորգ Ե Հայրապետը կոնդակում մասնավորապես շեշտում է, որ իր հայրապետության շրջանում տեղի ունեցած զանազան «իրադարձությունը և համագամանք ցալալի, աղետաբեր պատերազմը և խռովությունը աշխարհիս մերում» անհնարին դարձրին Ազգային-եկեղեցական ժողովի ընտրված պատգամավորների հավաքը, և անորոշ վիճակի մեջ մնացին շուտափույթ

կարգավորում պահանջող բազմազան հարցեր: Այս և այլ հանգամանքներով պայմանավորված, հաշվի առնելով նաև Մայր Աթոռի միաբանության, թեմակալ առաջնորդների կողմից ստացված գրությունները՝ Գևորգ Ե-ն «անհրաժեշտ և անհետաձգելի» է համարում «ժամանաւորապէս, մինչ զկազմակերպումն ազգային-եկեղեցական ժողովոյ» Գերագույն հոգևոր խորհրդի հիմնումը: Կաթողիկոսի նախագահությամբ ստեղծված այս մարմնի 6 անդամ նշանակվեց «փորձառու արքեպիսկոպոսներից և եպիսկոպոսներից», իսկ ի պաշտոնե ԳՀԽ-ի անդամներ համարվեցին Հայ եկեղեցու բոլոր թեմակալ առաջնորդները: Ըստ նույն կոնդակի՝ ԳՀԽ-ն իրավասություն ուներ Հայաստանյայց եկեղեցու ներքին և արտաքին թեմերի կրոնական, վարչական և տնտեսական բոլոր տեսակի հարցերը քննարկելու և դրանց վերաբերյալ վճիռ կայացնելու: Կոնդակի վերջին կետով շեշտվում է, որ նոր ստեղծվող ԳՀԽ-ն, ըստ հնարավորության և հանգամանքների, պարտավոր է արագացնել Ազգային-եկեղեցական ժողովի կազմակերպումը՝ «ստանալով ի բարեպատեհ ժամանակի զեղյալությունիւն ի խորհրդային իշխանութենէ Հայաստանի»:

Ինչպես հայտնի է, խորհրդային իշխանությունները թույլ տվեցին Ազգային-եկեղեցական ժողովի գումարումը 1932 թ.՝ նոր կաթողիկոսի ընտրության համար: Նույն օրվա թիվ 2 կոնդակով «վշտալի» հայրապետը սահմանեց նորաստեղծ Գերագույն հոգևոր խորհրդի կազմը, իր բացակայության պարագայում նախագահողի հարցը, խորհրդի իրավասությունները, առաջնահերթությունները և խորհրդի դիվանի ու գործակարության հետ կապված հարցեր: Սինդոն և Հայրապետական դիվանը միավորվում էին՝ ԳՀԽ-ի գործերը հսկողության տակ վարելու պայմանով: Հունվարի 2-ից արդեն խորհուրդը գումարել է անդրանիկ միստը և սկսել գործել անգամ կաթողիկոսի բացակայության պարագայում, երբ նա վատառողջ էր:

Գևորգ Ե Սուրենյանց Հայրապետի այս նախաձեռնությունը ողջունվել է ներքին և ար-

տաքին՝ Սփյուռքի թեմերի ներկայացուցիչների կողմից: Մասնավորապես, «Էջմիածին» ամսագրի նույն համարում հրատարակվել է այդ ժամանակ եգիպտոսի թեմի առաջնորդ (հետագայում՝ Երուսաղեմի հայոց պատրիարք) Թորգոմ եպս. Գուշակյանի ողջույնի գիրն Ամենայն Հայոց Կաթողիկոսին, ուր նա տեղեկացնում էր հայրապետական կոնդակի՝ թեմական ժողովի ու բոլոր հավատացյալների առջև հանրային ընթերցման մասին և ուրախություն հայտնում ըստ մեր ազգի ու կրոնի «բնիկ օրինօք և կանոնիք» եկեղեցին կառավարելու հնարավորության համար: Նա նաև նշում է. «Այն ունիմք զի ի շնորհս ջանից Կեհիկ մի յապաղեսցի և զուժարումն ընդհանրական ժողովոյ, որ վերստին կանգնեալ ուղղեսցէ զցանկ հայրենի աւանդից և հաստատեսցէ զշինուած օրինաց Հայաստանեայց սուրբ և ուղղափառ եկեղեցոյ, ընդ հովանեաւ մեծի և պատուական Հայրապետիդ մերոյ»:

Գերագույն հոգևոր խորհուրդն ստեղծվեց կարճ ժամանակ անց իսկ առիթ ունեցավ Հայ եկեղեցու համար կարևոր հարցեր քննարկելու և էական դեր ունեցող որոշումներ կայացնելու: Այսպես, օրինակ, 1925 թ., անհանգստացած Գևորգ Ե Կաթողիկոսի առողջական վիճակով, Գերագույն հոգևոր խորհուրդը փորձում է խորհրդային Սիրիայում կողմից անվավեր ճանաչված «Պոլոմեհան» փոխարինել կաթողիկոսական ընտրությունների նոր կանոնակարգով: 1925-ի հոկտեմբերի 22-ին Գևորգ Ե Կաթողիկոսի կողմից առաջին անգամ հաստատվում է կաթողիկոսական ընտրությունների համար կազմված նոր կանոնակարգ, որը սահմանում է ժողովի իրավասությունների շրջագիծը (Էջմիածին, 2014, ԺԼ, էջ 20):

Ժամանակի ընթացքում ԳՀԽ-ն կրել է կառուցվածքային փոփոխություններ, իսկ 1938–1945 թթ. ընդհանրապես կազմալուծված է եղել: Այսպես՝ նորընտիր Գևորգ Զ Չորեքյան Հայրապետը 1945 թ. Ազգային-եկեղեցական ժողովի հաստատմանը ներկայացրեց ԳՀԽ-ի նոր կազմը, որում հոգևորականներից բացի՝ ընդգրկված էին նաև աշխարհականներ՝

ակադ. Ս. Մախասյանը, բժիշկ Հ. Եղիազարյանը, երկրաբան Ս. Կամսարականը և բանասեր Ե. Շահագիզը:

Վազգեն Ա Պալճյան Հայրապետը ևս տարբեր առիթներով բարձր է գնահատել և կարևորել ԳՀԽ-ի օգտակարությունը՝ իբրև խորհրդատուի և կաթողիկոսին գործակից մարմնի: Տարբեր տարիների ԳՀԽ-ի անդամներ են եղել նշանավոր հոգևորականներ՝ հորեն արք. Մուրադբեկյանը, Գևորգ արք. Չորեքյանը, Վազգեն եպս. Պալճյանը, Գարեգին արք. Հովսեփյանը, ինչպես նաև հանրաճանաչ խորհրդահայ մտավորականներ՝ Ստեփան Կամսարականը, Ավետիք Իսահակյանը, Մարտիրոս Սարյանը, Աշոտ Աբրահամյանը, Գրիգոր Խանջյանը և ուրիշներ: 2002 թ. դրությամբ ԳՀԽ-ն կազմված էր 11 հոգևորական և 5 աշխարհական անդամներից (Քրիստոմյա Հայաստան, հանր., Ե., 2002, էջ 211):

Ինչպես տեղեկանում ենք Մայր Աթոռ Ս. Էջմիածնի պաշտոնական կայքից, «Գերագույն հոգևոր խորհուրդը Հայաստանյայց Առաքելական Սուրբ եկեղեցու իշխանության գործադիր բարձրագույն մարմինն է: ԳՀԽ-ի նախագահը Ամենայն Հայոց Կաթողիկոսն է: Երուսաղեմի Հայոց Պատրիարքը և Կոստանդնուպոլսի Հայոց Պատրիարքը ի պաշտոնե ԳՀԽ-ի ատենապետներն են: խորհուրդը կազմված է բարձրաստիճան հոգևորական և աշխարհական անդամներից, որոնց մի մասն ընտրվում է Ազգային-եկեղեցական ժողովի կողմից, մյուս մասը նշանակվում Ամենայն Հայոց Կաթողիկոսի տնօրինությամբ»: Բացի նախագահից և ատենապետներից՝ ԳՀԽ-ի կազմը ներկայումս բաղկացած է 14 հոգևորական և 6 աշխարհական անդամներից: Ունենալով ոչ մեծ կազմ և ըստ այդմ լինելով բավականին ճկուն կառույց՝ ԳՀԽ-ն, կարծում ենք, ըստ հարկի կարող է կառուցվածքային փոփոխություններ կրել հետագայում ևս՝ հաշվի առնելով Հայաստանյայց եկեղեցու առջև ժամանակի ընթացքում ծառացող մարտահրավերները:

Գառնիկ ՀԱՐՈՒԹՅՈՒՆՅԱՆ, պ. գ. ք.

Պղծվում և ոչնչացվում է մեր հազարամյա մշակույթը. Արթանես եպիսկոպոս Աբրահամյանը ելույթով է հանդես եկել

Նոյնի Սուրբ Թովմա Ավինյանու անվան քահանայապետական համալսարանում նոյեմբերի 18–19-ը տեղի է ունեցել միջազգային համաժողով՝ մվիրված Արցախի մշակութային ժառանգության պահպանությանը: Այն կրում էր «Սրբազան հողեր, ընդհանուր տեսլական» խորագիրը («Sacred Grounds, Shared Vision»):

Համաժողովը կազմակերպել էին Սուրբ Աթոռում Հայ Առաքելական եկեղեցու ներկայացուցչությունը և Անգեղիկումի էկումենիկ հետազոտությունների ինստիտուտը՝ Ամենայն Հայոց Կաթողիկոսության հովանավորությամբ:

Համաժողովին իր մասնակցությունը էր բերել Արցախի թեմի առաջնորդ Ս. Վրթանես եպս. Աբրահամյանը, որն իր ողջույնի խոսքն է փոխանցել համաժողովի մասնակիցներին:

Վրթանես սրբազանը անդրադարձ է կատարել տարածաշրջանում տեղի ունեցած պատերազմին և բռնի տեղահանությանը, ինչը խախտել է այն հազարամյա ներդաշնակությունը, որ տիրում էր տարածաշրջանում՝ արցախցիների տեղաբնակությամբ պայմանավորված:

Սրբազան հայրը ժողովականների ուշադրությունը հրավիրել է այն փաստի վրա, որ ներկայումս պղծվում և ոչնչացվում է մեր հազարամյա մշակույթը, ինչն ստեղծվել է մվիրական հավատքի և քրտնաջան աշխատանքի շնորհիվ, հիշեցրել և կոչ է արել, որ գիտական միտքը պիտի դառնա գերիշխող քաղաքական մտքի նկատմամբ, որպեսզի արդարությունը տեսանելի լինի:

Վրթանես սրբազանը նաև կոչ է արել քրիստոնյա աշխարհին՝ աղոթել և գործել տարածաշրջանում խաղաղության պահպանման համար:

Ամփոփելով իր խոսքը՝ սրբազան հայրը շնորհակալություն է հայտնել համաժողովի կազմակերպիչներին՝ մասնավորաբար Արևմտյան Եվրո-



պայի հայրապետական պատվիրակ Ս. Խաժակ արք. Պարսամյանին, որից հետո ընթերցել է Ն. Ս. Օ. Ս. Տ. Գարեգին Բ Ամենայն Հայոց Կաթողիկոսի ուղերձը:

Համաժողովին ելույթ է ունեցել Արևմտյան Եվրոպայի հայրապետական պատվիրակ Ս. Խաժակ արք. Պարսամյանը: Համաժողովին ներկա հոգևորականներն ընթերցել են կարդիմալ Կուրտ Բոխի, կարդիմալ Կլոուդիո Գուլտերոստիի և կարդիմալ Խոսե Տոլեմիոն դե Մեդոսայի ողջույնի խոսքերը:

Ելույթով հանդես են եկել Արցախի թեմական խորհրդի անդամ Արմինե Ալեքսանյանը՝ «Հակամարտության գոտիներում մշակութային և կրոնական ժառանգության պաշտպանության դիվանագիտական և այլ միջոցներ. ինչ կարելի է անել դրանք ընդլայնելու համար» թեմայով, և պ. Գ. Դ., պրոֆ. Համլետ Պետրոսյանը՝ «Հուշարձանների ներկայիս վիճակը Արցախում» թեմայով:

Համաժողովում զեկույցներով հանդես են եկել նաև մի շարք այլ փորձագետներ Եվրոպայից, ԱՄՆ-ից, Հայաստանից և Մերձավոր Արևելքից:

Արցախի թեմ

Հիմնակ

Պահքը ապաշխարության, խնարհության և ինքնամաքման միջոց է: Աստվածաշունչը պահքի մասին խոսում է որպես սրբության և հնազանդության կարևոր դրսևորման: Դրա մասին մի քանի առաջնություն օրինակ կա թե՛ Հին, թե՛ Նոր Կտակարաններում:

Հին Կտակարանում լավագույն օրինակներից է Սովսեհի պահքը: Սովսեհը 40 օր պահք պահեց Սիմա Էլեան վրա, մինչև կատանար տասը պատվիրանները (Ելք 34:28): Մեկ այլ օրինակ առկա է Հովնան մարգարեի գրքում, երբ Նինվե քաղաքի բնակչությունը թագավորի հետ միասին պահք պահեց և փրկվեց (Հովնան 3:5–10): Պահքի չափազանց ազդեցիկ օրինակ է Հիսուսի պահքն անապատում (Մատթ. 4:1–2): Հիսուսին հետևելով՝ առաքյալները պահք էին պահում կարևոր որոշումներ կայացնելուց առաջ (Գործք 13:2–3, 14:23):

Առաջնային մի հանգամանք կա, որի մասին խոսում է Հիսուս. պահքը պետք է լինի անկեղծ և ոչ ցուցադրական: Պահքի նպատակն է՝ ամրապնդել մարդու և Աստծո միջև եղած հոգևոր կապը: Սովորաբար, պահք պահող մարդիկ կենտրոնացնում են աղոթքի մեջ և առավել շատ փորձում մերժենալ Աստծուն: Պահքը լավագույն հնարավորությունն է՝ մեղքերը գիտակցելու և զղջալու: Որոշ մարմնական ցանկություններից հրաժարումը սովորեցնում է կարգապահություն և խոնարհություն: Հրաժարվելով վատ սովորություններից՝ մարդն ունենում է հոգևոր աճ:

Հայ եկեղեցում պահքը կարող է ունենալ տարբեր տևողություն: Նախ՝ յուրաքանչյուր շաբաթվա ընթացքում՝ բացառությամբ Սուրբ Հարությունից հետո 50 օրվա, ամեն չորեքշաբթի և ուրբաթ պահք է: Ապա՝ կան որոշ

կարևոր տոներ, որոնցից առաջ մեկ շաբաթ պահք է սահմանված: Իսկ մեծ պահք նախատեսված է տարեկան երեք անգամ: Այսօր դրանցից միայն մեկն է պահվում՝ Սուրբ Հարության տոնից առաջ՝ 50 օր: Մյուս երկուսը պահվում են մասամբ: Դրանցից մեկը Սուրբ Պայծառակերպության պահքն է, իսկ մյուսը սահմանված է եղել Սուրբ Ծննդից առաջ եղած 50 օրերի համար: Այս 50-օրյա շրջանը կոչվում է Հիսնակ:

Այսօր այս պահքի՝ Հիսնակի շրջանը բաժանված է երեք շաբաթապահքերի՝ առաջին, միջին և վերջին շաբաթների համար: Սրանցից առաջին շաբաթվա ավարտին Սուրբ Գրիգոր Աբաղեղյան գործի, Նիկողայոս Հայրապետի և Մյուռոն եպիսկոպոսի հիշատակության օրն է: Երկրորդ շաբաթապահքը, որը երկու շաբաթ հետո է, ավարտվում է Սուրբ Հակոբ Մծբմա Հայրապետի, Մարուքե ճգնավորի և Մելիտոս եպիսկոպոսի հիշատակությամբ: Այդ պատճառով այս շաբաթապահքը շատ հաճախ անվանում են Հակոբի պահք: Իսկ վերջինը Սուրբ Ծննդից մեկ շաբաթ առաջ է սկսվում: Այս պահքի ամբողջ նպատակն է՝ հավատացյալին մարմնապես և հոգեպես պատրաստել Քրիստոսի Սուրբ Ծննդյան ու Աստվածայտության տոնին: Այստեղից էլ պարզ է, որ իր լրումին է հասնում հունվարի 5-ին՝ ճրագալույցի պատարագով: Սովորաբար, այդ օրը՝ երեկոյան, պահքն ամբողջությամբ չեն վերջացնում, այլ մասամբ՝ օգտագործելով ձու և ձուկ: Իսկ հունվարի 6-ին Սուրբ Ծննդյան ավետիսով ամբողջությամբ ավարտվում է պահքը, որից հետո ութ օր շաբաթական եկեղեցում տոնական օրեր են:

Մայիս սրկ. ԿԱՐԱՊԵՏՅԱՆ

Եկեղեցին և արհեստական բանականությունը

Հարցազրույց Տ. Ղևոնդ ավագ քին. Մայիլյանի հետ

— Տեր հայր, արհեստական բանականությունն արդեն մուտք է գործել և շարունակում է ծավալվել արդի իրականության մեջ՝ ժամանակակից տեխնոլոգիաների հետ միասին: Ինչ վտանգ է ներկայացնում, և արդյո՞ք 21-րդ դարում այն կարող է գրավել մարդկանց գիտակցական աշխարհը և դրանով վերջ դնել քաղաքակրթությանը:


— Արդի ժամանակներում արհեստական բանականությունը մեծ թափով ու արագությամբ մտնում է մարդկային կենցաղի գանազան բնագավառներ, աստիճանաբար փոխում մեր իրականությունը՝ այն դարձնելով ավելի ու ավելի արհեստական, հետզհետե վերացնելով «բնութիկա» հասկացությունը: Պարզ է, որ այս դարում հիմնական բևեռացումը՝ քաղաքակրթական առումով, պետք է լինի հենց արհեստական բանականությունը:

Ամշուշտ, անասելի է արհեստական բանականության դերը ժամանակակից աշխարհում, հատկապես մեզ մոտ՝ Հայաստանում, ուր կարելի է թե՛ գրական, թե՛ գիտական աշխարհում, համացանցում կամ իրականության մեջ արհեստական բանականության կիրառման և օգտակարության մասին, մասնավոր բանկային և ֆինանսա-հաշվապահական ոլորտներում, գտնել զանազան աշխատություններ, հայերեն բանավեճեր՝ մասնագիտական առումով բավականին արդիական: Ի միջի այլոց, ավելացնենք, որ դեռևս 1988-ին Վազգեն Ա Ամենայն Հայոց Կաթողիկոսի հրավերով ես աշխատանքի ընդունվեցի Մայր Աթոռում՝ Աստվածաշնչի արևելահայերեն թարգմանությունը համակարգչային հրատարակության պատրաստելու, որը լույս տեսավ 1994 թվականին: Դա Հայաստանում առաջին համակարգչային հրատարակությունն էր: Այսպես համակարգչային տեխնոլոգիաները մուտք գործեցին հրատարակչական ոլորտ՝ դուրս մղելով որոշակի գործառնություններ այդ բնագավառից:

Մինչ նյութին անցնելը, սակայն, եկեք ընթերցողների համար ճշտենք արհեստական բանականության սահմանումը, պարզենք՝ ինչ է արհեստական բանականությունը:

Արհեստական բանականությունը (հետայսու՝ ԱԲ, ռուսերեն՝ искусственный интеллект — ИИ, անգլերեն — AI (Artificial Intelligence) — էլյ) մեքենաների կողմից տրամաբանական խնդիրները լուծելու կարողության վարքագծի դրսևորումն է: Համապատասխան այդորիթմների միջոցով մեքենան օժտվում է մտածելու կարողությամբ՝ այդորիթմի սահմանների ներսում: Վերջին 60—70 տարվա ընթացքում ԱԲ-ն աստիճանաբար կատարելագործվեց տեխնոլոգիական առումով, զարգացան համակարգիչների կառուցվածքային և մաթեմատիկական ոլորտները, և գնալով ԱԲ-ն պիտի հզորանա ու ներխուժի մարդկային գործունեության գրեթե բոլոր ոլորտները: Օրինակ՝ 1997 թվականին Alfa go ալգորիթմով սուպերհամակարգիչ Deep blue-ն հաղթեց շախմատի աշխարհի չեմպիոն Գ. Կասպարովին: Ակամայից հիշում եմ իմ ուսանողական տարիներին (60-ականների վերջեր) շատ տարածված մի պատմություն Ա. Եյնշտեյնի մասին: Իբրև թե մի օր, երբ Եյնշտեյնը գրում էր իր հայտնի «Հարաբերական ընդհանուր տեսությունը», տեսիլքի մեջ նրան հայտնվում է Բեյլիարը՝ ասելով. «Ալբերտ, վերջացրո՛ւ, գնում եմք այն աշխարհ»: Եյնշտեյնն ասում է. «Մի օր ժամանակ եմ խնդրում, բան չի մնացել, ավարտեմ այս տեսությունը, հետո ուր ուզում ես, տար»: «Լավ»,— համաձայնում է Բեյլիարը: Հաջորդ օրը կրկնվում է նույնը. Եյնշտեյնը մեկ օր էլ է խնդրում, ավարտում է գործն ու սպասում Բեյլիարին: Բայց նա չի երևում. մեկ օր, երկու օր... Եվ մի անգամ հանկարծ Բեյլիարը դարձյալ երևում է Եյնշտեյնին, ու նա հարցնում է. «Այս ռժր ես, ինչո՞ւ չես գալիս, ես ավարտել եմ իմ տեսությունը...»: Բեյլիարը պատասխանում է. «Դու այլևս ինձ պետք չես: Շուտով, շատ շուտով կտեսնես, թե քո հավատարիմ ընկերներն ինչքան կանեն՝ կյանքի կոչելով քո հայտնագործությունները»: Այս ասելով՝ Բեյլիարն անհետանում է:

Ատոմային էներգիայի կիրառման



սկզբնական ժամանակներն էին, երբ այդ միջոցով աշխարհը կլուծեր իր էներգետիկ բոլոր խնդիրները, բայց ստեղծվեց ատոմային ռումբն ու նետվեց մարդկանց գլխին: Նույն ճակատագիրն է սպասում նաև ԱԲ-ին, եթե այն վերածվի ինքնուրույն մտածող էակի, այսինքն՝ դուրս գա մարդկային հսկողությունից:

Բնական է, որ եթե ԱԲ-ն մտնում է քաղաքակրթական ոլորտ՝ արդեն ոչ որպես գործիք, այլ «հրամանատար», ապա Եկեղեցին չի կարող անտեսել այդ փաստը: Տեխնոլոգիական սրընթաց զարգացման պայմաններում, երբ բացակայում է բարոյական առաջնություն, և առկա չէ հավատը, մարդու ինքնությունը փոխարինվում է ինչ-որ արհեստական փոխարինիչներով, և կարելի է ասել, մտնում ենք ապոկալիպսիսի՝ վախճանաբանական դարաշրջան, որ նկարագրված է Հայտնության վերջին գլուխներում: Սանկտ Պետերբուրգի 10-րդ միջազգային մշակութային համաժողովում (2024 թ.) Կիրիլ Պատրիարքն այսպես արտահայտվեց. «Եթե մարդկությունը կորցնում է հավատը, հատկապես ԱԲ-ի ներխուժման և տեխնոլոգիական զարգացման փուլում, ապա մենք իրող մտնում ենք Հայտնությունական Վերջին օրերի շրջան»:

Ընդհանուր առմամբ՝ ԱԲ-ն ներկայացվում է որպես ոչ մարդկային բանականություն, որը չափվում է մարդու մտավոր հնարավորությունների վերաբերմամբ իր ունակությամբ, ինչպիսիք են պատկերների, առարկաների ճանաչումը, լեզվի իմաստային ընկալումը, փորձի վրա հիմնված հարմարվողական ուսուցումը, տրամաբանությունը, ռազմավարությունների մշակումը, երևույթների մասին դատողություններ անելու ունակությունը, որոշումների կայացումը և այլն:

Անդրադառնալով ԱԲ-ի դասակարգմանը՝ նշենք, որ ներկայումս ընդունված է առանձնացնել ԱԲ-ի երկու մակարդակ՝ թույլ (մեղ) և ուժեղ (ընդհանուր)՝ կապված ԱԲ-ի կողմից մարդկային կարողությունների վերաբերմամբ աստիճանի հետ, սակայն գրականության մեջ հաճախ հանդիպում է նաև երրորդ մակարդակը՝ սուպերբանականությունը: Այս մակարդակները կարելի է դիտարկել նաև որպես ԱԲ-ի սերունդների զարգացման հաջորդականություն:

Թույլ ԱԲ-ն, որը հաճախ անվանվում է նաև արհեստական մեղ բանականություն, ԱԲ-ի համակարգ է, որ մշակված է պատրաստված է որոշակի խնդրի համար: Այն կարող է հավասար լինել, ինչպես նաև գերազանցել մարդկային կարողությունները որոշակի առաջադրանքների համար:

Ուժեղ ԱԲ-ն, որը հայտնի է նաև որպես արհեստական ընդհանուր բանականություն, ԱԲ-ի համակարգ է՝ մարդու ճանաչողական ունակությունների ընդհանրացումներով: Երբ ուժեղ ԱԲ-ին ներկայացվում է անծանոթ խնդիր, այն կարող է լուծում գտնել՝ առանց մարդու միջամտության: Նա համապատասխանում է մարդկային կարողությունների ամբողջ շրջանակին և կարող է հաջողությամբ իրականացնել ցանկացած մտավոր առաջադրանք, ինչը հասանելի է մարդուն:

Արհեստական սուպերբանականությունը կամ գերբանականությունը մեքենայական բանականություն է, որը գերազանցում է մարդու բանականությունը ցանկացած խնդրում:

Հաճախ ապագայի վերաբերյալ կանխատեսումներում հիմնական մտավախությունները կապված են հենց արհեստական սուպերբանականության հետ:

— **Տեր Ղևոնդ, որո՞նք են արհեստական բանականության վտանգներն ու օգուտները: Նոր տեխնոլոգիական հեղափոխությունները ի՞նչ են տանելու մարդկությանը:**

— ԱԲ-ի հնարավոր ազդեցությունների մասին կարելի խոսել երկար, քանի որ մոտ ապագայում այն ներխուժելու է մարդկային գործունեության բոլոր բնագավառները: Եվ գրեթե բոլոր ոլորտներում առկա են թե՛ լավատեսական և թե՛ հոռետեսական միտումներ: Օգտակար կողմերը շատ-շատ են, որոնք տեսանելի են ամենուր: Սմարթֆոնի առկայությունը բավարար է: Կրոնական առումով ամենավտանգավորն այն է, որ ԱԲ-ն մոտ ապագայում համապատասխան այդորիթմների զարգացման շնորհիվ բարոյական և էթիկական ոլորտներ է ներխուժելու: ԱԲ-ն զուրկ է ինքնությունից, անձնավորում չունի, ստեղծագործել չի կարող, չի կարող դուրս գալ այն սահմաններից, որ մարդու կողմից տրված են նրան:

Մի օրինակ բերեմ՝ Մարկ Տվենի կյանքից հայտնի մի դրվագ, որ կարելի է մարգարեական համարել մեր օրերի համար: Գրողներից մեկը մոտենում է Մ. Տվենին և ասում. «Պրն. Տվեն, երեկ գնացի խմբագրություն՝ հողվածիս հոնորարը ստանալու, տեսա, որ ցուցակում Ձեր անունն էլ է առկա, իսկ հոնորարի չափը երկու անգամ շատ էր, քան իմ հոնորարը: Բայց երեկոյան տանը տեսա, որ Ձեր հողվածը երկու անգամ փոքր ծավալ ուներ, քան իմ հողվածը, ինչպե՞ս կբացատրեք»: Մ. Տվենը պատասխանում է. «Մի տրտմեք, երիտասարդ, դա նրանից է, որ իմ հողվածի բառերի միջև երկու անգամ ավելի շատ կարդալու բան կա, քան ընդհանուրը»:

Այո՛, ԱԲ-ն առայժմ չի կարող կարգալ տեքստի բառերի արանքում թաքցվածը, չի կարող զգալ Ջոկոնդայի ժպիտը և ինչ-որ կերպ այն նկարագրել մաթեմատիկական բանաձևերով: Զգացումները, սերը, բարոյական բազում երևույթներ ԱԲ-ի համար գոյություն չունեն: Թեև շատ մասնագետներ «մարգարեանում են», որ մոտակա տասնամյակներում ԱԲ-ն կանձնավորվի և կկարողանա ինքն իրեն վերաբարձրել՝ նման ծննդ. Ա 28 համարում ասվածին:

Աստծո խոսքը ժամանակի հաշվարկ չունի, նա հավիտենական է, ինչպես ասում է Պողոս առաքյալը. «Հիսուս Քրիստոս Մույնն է երեկ, այսօր և հավիտյան» (Եբր. ԺԳ 8): Այս առումով էլ, ինչպես անցյալ դարի կեսերին, երբ մարդկությունը տիրապետեց միջուկային զենքին, առաջացան վախճանաբանա-

կան (եսխատոլոգիական) կրոնական հոսանքներ (օրինակ՝ Սայենտոլոգիան, նրա հիմնադիր Լ. Ռ. Չաբբարդն իրեն հռչակեց Հիսուս և անմահության աղբյուր), այսօր էլ մեջտեղ եկան կրոնական մամառտիկ շարժումներ, որոնք իրենց աղոթքներն սկսում են «Համուն Հոր և Որդու և ԱԲ-ի» (Մատթ. ԻԸ 20-ի նման Սուրբ Հոգին փոխարինում են Էյվյ-ով՝ into the name of the father and the Son and the A): Սակայն եթե Աղանդ կարող էր բազմանալ և իր նմանին ստեղծել՝ որպես մարդու, դա հետևանքն է ծննդ. Բ 7-ում ասվածի: Մի բան, որ Աստված չարեց կենդանական աշխարհի համար: Այսինքն՝ ԱԲ-ն առանց մարդու գերիշխանության դառնում է խիստ վտանգավոր՝ ապոկալիպտիկ:

Վերոնշյալ համաժողովում Պատրիարքն ավելացրեց նաև, որ սա կարող է ֆանտազիա թվալ կամ ինչ-ինչ հիպոթեզ, բայց կարելի է ենթադրել, որ ԱԲ-ն կդառնա «արարիչ» և իր նմաններին կվերաստեղծի: Այսինքն՝ հենց որ ԱԲ-ն դուրս եկավ մարդու վերահսկողությունից, կլինի աշխարհի վախճանը: Դա չի բացառվում, քանի որ Հայտնության ԺԳ գլխի «զագան» բառը, պարզ է, բազմակի իմաստ կունենա և հետևաբար տարբեր մեկնությունների տեղիք կտա: Նա կարող է լինել և՛ մարդ, և՛ դև, և՛... ԱԲ (տես <https://news-magazine.eu.com/patriarch-kirill-sravnil-ii-po-opasnosti-s-iadernoi-energiei.html>):

Դա չի նշանակում, որ մենք պետք է մերժենք գիտության նվաճումները և հրաժարվենք ԱԲ-ի ծառայություններից, բայց այդ ամենը պիտի կատարվի մարդու խիստ վերահսկողությամբ:

— **Հնարավոր է նաև վիրտուալ քահանային ԱԲ-ի տիրույթում:**

— Այդ հարցն իր լուծումն է գտել շատ վաղուց: Երբ լրացավ Մարտին Լյութերի թեզիսների հրապարակման 500-ամյակը (2017 թ.), Վիտենբերգում Բողոքական Եկեղեցին տեղադրեց BlessingU—2 ռեզոն-հոլիվը, այսինքն՝ քահանան, որը, ChatGPT և այլ չափաբաժնի օգտագործելով, պատասխանում էր բոլոր հարցերին, անգամ շատերը գլխի չէին ընկնում, որ գրուցում են ԱԲ-ի հետ: Այսօր աշխարհում առկա են Alexa, Robo Rabbi, eRosary, SanTO և այլ չափաբաժնի, որոնք գործում են Անգլիկան Եկեղեցում, Վատիկանում, անգամ մահմեդական աշխարհում (Muslim Pro):

Ժամանակակից տեխնոլոգիական զարգացումներն ապահովում են համացանցային բոլոր մուտքերը՝ զրույցներ, երգեր, ֆիլմեր, ամեն ինչ՝ սկսած հեռախոսային խոսակցություններից, զրանցելով և պահելով: Եվ չի բացառվում, որ շուտով ZOOM-ով դու խոսես և տեսնես քո իսկ հանգուցյալ մտերիմներին: Ավելին. որոշ մասնագետներ «մարգարեանում են», որ գերեզմանների տապանաքարերը կփոխարինվեն QR-կոդերով: Կստեղծվեն QR գերեզմանոցներ, մարդիկ կայցելեն նրանց և հեռախոսով կգրուցեն ու կտեսնեն իրենց հանգուցյալներին:

Դարձյալ հիշենք Սողոմոնին (Ժող. Ա 2—11) և անդորյան վիռլի պատմությունը (Ա Թագ. ԻԸ գլուխ), երբ հայտնվում է արդեն մահացած Սամուել մարգարեն և զրուցում վիռլի հետ: Ուրեմն՝ ԱԲ-ն կարող է խոսել մեզ հարազատ անձի ձայնով, նրա կերպարանքն ընդունել: Այս առումով առանձնացնում են երեք «երեք».

- երեք չվստահել on-line քահանաներին,
- երեք թողություն չակնկալել նրանցից,
- երեք չխոստովանել նրանց:

Լավ իմանաք, որ ամեն ինչ գրանցվում և հայտնի է դառնում ԱԲ-ին, այսինքն՝ ամբողջ աշխարհին:

Բաբելոնյան աշտարակաշինության նման (Ծննդ. ԺԱ գլուխ)՝ եթե ԱԲ-ն դուրս եկավ մարդու հսկողությունից, մի նոր աշտարակի շինություն կկառուցվի (Հայտ. ԺԳ գլուխ), որն արդեն Վերջին օրվա մոտալուտ լինելն է խորհրդանշում:

— **Շնորհակալություն հարցազրույցի համար:**

Հարցազրույցը՝ Նարինե ՀՈՎՀԱՆՆԻՍՅԱՆԻ

ՈԳԵՂԵՆ ՀԱՅՐԵՆԻԲ

Հայրենիքի և մարդու միագոյությունը Եղիշե Չարենցի պոեզիայում

Ժամանակի չափումների մեջ Ե. Չարենցի հոգևոր կենսապատումը տեսլանում է և՛ որպես աներկրորդ գեղարվեստ, և՛ իր օրերի պատմությունը խորհրդանշող երևույթ: Դեմ հանդիման են հոգևոր պատմության սկիզբն ու վերջը՝ շաղկապված դժվարությունների մաքառումներով, գաղափարագեղագիտական վերածգրություններով: Գրական խորհրդապաշտական մոտեցումն անհաղթահարելի և հայրենական ապրումների ու մտածությունների ոգեղեն սկիզբն էր: Հայրենիքի որոնումն ամրոշ ճանապարհին «կապուտաշյա սիրուհու» տեսիլքն է, նույն ցնորք Նաիրին՝ երազային, մշուշային հայրենիքը:



փան անմեկին // Մեր հոգին ուներ թռիչքներ ու թև»: Սա «Դանթեական առասպել»-ի՝ որոնումի հոգևոր ուղիներին հաջորդած հողեղեն, իրական ճանապարհի սկիզբն է, որ աստիճանաբար ծանրանալու է չարչարանքի համատարած պատկերներով: Ցեղասպանության մի ամբողջ սերնդի կենսազգացողությունը ցնցած հոգեհարկված որբան էլ արտամղվելու ներքին ընթացք ունենալ, Չարենցի մեջ մնալու էր որպես մշտառկա զգացողություն՝

տարիների հետ վերափոխվելով «ուղեղային մորմոքի», ուղեղային մորմոքն էլ՝ շարունակական մահվան տեսիլների: «Դանթեական առասպել» պոեմը բանաստեղծի եղեռնված հոգեզգացողության գեղարվեստական ինքնարտահայտման սկիզբն է, արևելահայ գրական կյանքում եղեռնի պոեզիայի հիմնաբարը: Պոեմի ներքին տրամաբանությունն իր քնարական հերոսին հասցնում է կյանքի անմասնության, տիեզերական զանազանների պատկեր-ապրումին:

*Քայլել անիմաստ մի կյանքի համար,
Մարել — ու վառել աստղերը մարած,
Որ տիեզերքի զառանցանքը մառ
Չցնդի երբեք ու մնա երազ...*

Զառանցանքի կենսազգացողության խոհն առկա է նաև նույն շրջանում գրված «Հարդազողի ճամփորդները» բալլադի եզրափակիչ տողերում. «Հոգ չէ, որ մեր օրերն անցան տենդի պես, // Կյանքը դարձավ ամմիսիթար զառանցանք...»: Բանաստեղծի հոգեգիտակցականը բեկված ցեղասպանության պատկերներն աստիճանաբար վերածվում են հիվանդագին մտապատկերների: Մահվան տեսիլի հոգեբանական պատկերն ակնհայտ է: Ահա չարչարանքի տեսիլի հայտնությունը «Դանթեական առասպել» պոեմում.

*Ամբոխվել էին տեսիլներն ահեղ,
Խեղերի նման ցատկում ու պարում
Եվ դառնում էին մեռելներ մի տեղ
Սատանայական տեղորոտ շուրջապարում...*

Հոգեբանական այս պահը դառնում է հոգեվիճակի պատմություն: Չարչարանքի

քի տեսիլները վերակրկնվում են կյանքի ճանապարհին՝ ծայրահեղ բևեռացման հասնելով 1930-ական թթ. պայմաններում: Ազգային ողբերգությունը հիշողության մտասկեռնումներով ու զուգորդություններով զանազանների գեղարվեստահոգեբանական համապատկերի է հասնում 1933 թ. գրված «Մահվան տեսիլ» պոեմում: Ահա մի հատված, ուր «Դանթեական առասպել» պոեմի ծանոթ տեսիլի վերահայտնությունն է.

*Եվ շուրջը նրա խարույկի, բոլորած մի
պար խելահեղ,
Ցատկոտում էին ու պարում ամբոխները
այն դիվահար...*

Չարենցի մահվան մտապատկերների մեջ որպես հոգեցնցումի հետևանքային զգայության մի պատմության՝ հավատակրոնստի և ընդվզումի գեղարվեստական ուժեղ արձագանք՝ կարևորվում է «Վահագն» պոեմը: Պոեմը և՛ տազանապ է, և՛ ջղաձգում, և՛ ազգային գոյի կործանված հիմքերի ողբերգական վերապրում: Մահվան տեսիլի բովանդակության մեջ, որպես հոգեբանական տարր, խուժում է նաև ծաղրի ու անարգանքի մտասկեռնումը. «Տեսնում եմ ահա, // Որ ծիծաղում ու քրքշում են նրանք // Արմաքան ընկած դիակիդ վրա...»: Հրդեհի աստծու ոգեկոչման, հրդեհ-կրակի հոգևոր տրամադրության շարունակությունն է նույն օրերին գրված «Ափիլա» պոեմը՝ աշխարհակործան սպառնալիքի խորհրդանշող պատմական հերոսի՝ Ափիլայի նոր կերպավորումով ու ոգեկոչումով.

*Հեյ, արևմուտքից մինչև արևելք
Պիտի հրդեհեն ու քանդեն հիմա՝
Ես — արքա՛, աստված, տենդ, դժոխք ու մահ,
Ես — ճշմարտության խարազանը մերկ...*

Ազգային ողբերգության տառապագին վերապրման բացահայտում են Չարենցի «Հատված» պոեմի մեջբերվող տողերը. «Մենք, լուռ, շվարել ենք... // Են ով պիտի տա — // Երկիր իմ, թռիչք ու թևեր...»: Ցեղասպանության ականատեսի ներհոգեկան ուժեղ ցնցումին հաջորդած հոգեբանական տևական մորմոքի ուղղակի վկայություն են նաև «Չարենց-Նամե»-ի ներբերդայալ տողերը, ուր պատումի հանգիստ եղանակը պայմանավորված է տառապանքի ճանապարհին իմաստնացած ոգու ինքնահաղթահարման ուժեղ զգացողությամբ.

*Ես կարծում էի — այնտեղ,
Ռումբերի ահեղ որոտում
Կգտնեմ քո դեմքը լուսե:
Բայց գտա... դիակներ փայտե
Ու տեսա մի երկիր, որը դու
Լքեցիր խուժումից մեր սև,
Ու իջավ թախիծն հնամյա
Ու հոգիս ճնշեց, ճնշեց...*

«Չարենց-Նամե»-ի վերոնշյալ տողերը հեղափոխական օրերի խանդավառությունը բեկող հիշողությունների պատկերն են նաև: Նախահեղափոխական շրջանում գրված Չարենցի «Ափիլայի» և հեղափոխությանը նվիրված «Սոմայի» ու «Ամբոխները խելագարված»-ի հոգեբանական առնչությունն ակնհայտ է: Ազգային գոյության անորոշության մեջ որպես իր ժամանակի Նարեկացի՝ Չարենցը այդ օրերին տառապագին աղոթք է առաքում հեղափոխական հզոր տարերքին.

*Վառիր երկիրս քո դեմ — մի կարմիր
կանթեղ,
Նետիր ժպիտդ վերջին իմ ավեր երկրին,
Տուր վերբերին նրա մառ, վերբերին
անդեղ,
Կարմիր ժպիտը քո սուրբ, քույր իմ, Սոմա՛,
կին...*

Բայց եթե Նարեկացու աղոթքի տարակուսի մեջ ցոլարձակում է հույսի հեռապատկերը, Չարենցի դեպքում մնում է անհուսույթան դատապարտված նույն ողբերգական մտատանջությունը: Տերյանական վիատ տրամադրության նրբերանգներով 1919 թ. գրում է.

*Կարմիր են գալիքի լույսերը ու մուգ են...—
Կարմիր են, կրակե,— բայց, այն, անամոք են:
Եվ ով կկանչի նրանց, որ կյանքում այս
Մենակ են, տխուր են, տխուր ու անձոգ են...
Նվում է սրտիս մեջ ծանոթ մի մորմոք հիմ...—
Լույսերը հեռո՛ն են, անփույթ են, անհոգ են...*

Ազգային հոգեբանության մեջ որպես ողբերգություն բեկված կորուսյալ հայրենիքի ճակատագրի հարցում հեղափոխության բերած տարակուսները ոգեկեղեքման նոր դուռ են բացում բանաստեղծի համար: Մտատանջության այս փուլին բնորոշ զգայությունը կեսգիշերային անքնությունն է, ուղեղը շաղափող հեղափոխական աղմկոտ տարերքի զգայությունը. ➔ էջ 7

Արտավազդ Թումանյան՝ նկարիչն ու գեղագետը Ծննդյան 130-ամյակի առիթով

Արտավազդի վերջին մամակը՝ հասցեագրված մորը, Վանից էր 1918 թ. մարտի 9-ին. «Դրությունը շատ անորոշ է... մահանջը անխուսափելի է, և շատ վատ մահանջ կլինի...»:

Վանի երկրորդ մահանջի ժամանակ վերջնապահ փոքրաթիվ խմբի կազմում 24 տարեկանում զոհվում է նաև Արտավազդ Թումանյանը: Բոթը Թումանյանին է հասնում 1918 թ. դեկտեմբերի 3-ի առավոտյան՝ «Հորիզոն»-ից. «Բեջարից Համադան տանող ճանապարհի վրա քյուրդերից սպանվել են դոկտոր Վարդանյանը, Միքայելյանը, Թումանյան Արտավազդը և օր. Սահակյանը»: «Բոլորը լուռ լաց էին լինում,— հիշում է Վահան Թոթովենցը: Թումանյանը մտնել էր ճաշասեղանի առաջ և թափում էր դառն արցունքներ...»: «Այդ օրվանից՝ դեկտեմբերի 3-ից հետո,— հուշերում գրում է Նվարդ Թումանյանը,— հայրիկի սիրտը ասես ծածկվեց մի մեծ, անփարատ տրտմությամբ: Մինչ այդ, որքան էլ ծանրաբեռնված հոգսերով ու վշտերով, դեմ շարունակում էր և՛ հյուրեր ընդունել, և՛ հյուր զնայ, կատակում էր ու սրախոսում, բայց դրանից հետո էլ չէր կարողանում քողարկել ապրումները և սկսեց խուսափել դրսի մարդկանցից»:

Արտավազդը՝ Հովհաննես Թումանյանի չորրորդ զավակը, ծնվել է 1894 թ. նոյեմբերի 23-ին Թիֆլիսում: Սկզբնական կրթությունն ստացել է Ստեփան Լիսիցյան մասնավոր վարժարանում, ապա ուսումը շարունակել

Ներսիսյան դպրոցում, որը չի ավարտել: Նվարդ Թումանյանը եղբորը բնութագրում է այսպես. «հանգիստ բնավորությամբ, միշտ լուռ ու մեմակ, բայց տխուր, մեծի նման լուրջ և մտախոհ»: Նվարդը հիշում է, որ 7—8 տարեկանում Արտավազդը սովորաբար վրա կիպարիսների շարք նկարեց և նվիրեց հորը՝ նրա անվանակոչության օրը. «Հայրիկը հուզված էր, շատ հավանեց, դրեց գրասեղանին, թանաքամանի մոտ, մայում էր, ուրախանում»:

Տակավին փոքր էր, երբ ստեղծեց «Մախաթ» երկշաբաթաթերթը, որի խմբագիրն ինքն էր, իսկ Ներսիսյան դպրոցում սովորելու տարիներին համադասարանցի Հայկ Պետրոսյանի հետ խմբագրեց «Թոթովանք» ձեռագիր հանդեսը, որտեղ գետեղվել են սեմինարիստների գեղարվեստական ստեղծագործությունները: «Հորիզոն»-ում էլ տպագրվել են նրա և եղբոր՝ Հաննիկի ակնարկները գեղարվեստի մասին:

Գրական ընդգծված հակումներին զուգահեռ՝ նկարելու ձիրքը ևս վառ էր արտահայտվում Արտավազդի մեջ, և ծնողները նրան ուղղորդում են ժամանակի շնորհալի նկարիչ Եղիշե Թադևոսյանի նկարչական դպրոցը: 1910—1913 թթ. Արտավազդը հաճախում է Թիֆլիսի նկարչության և քանդակագործության ուսումնարանը: Այնուհետև նկարչական տաղանդը զարգացնելու համար 1913 թ. մեկնում է Մոսկվա, երկու տարի սովորում նկարչական մասնավոր

դպրոցում, հաճախում Պյոտր Կելինի նկարչության դասընթացներին: Մոսկվայում ուսանելու տարիներին հանդիպում է Մարտիրոս Սարյանի հետ, որը նրան խորհուրդ է տալիս մեկնել արտասահման, իսկ Մոսկվայում աշխատել Յուդի, Ռերբերգի և այլոց արվեստանոցներում: Նկարելու ձիրքն ու գրելու կրքոտ մղումը նրա մեջ խմորվում էին և՛ միաժամանակ, և՛ փոխլրացաբար. նկարչական արվեստն արտացոլվում էր Արտավազդի գրած պիեսներում ևս: Պատահական չէ նաև, որ պիեսների հերոսները հանձարեղ արվեստագետներ էին՝ Ռաֆայել, Լեոնարդո դա Վինչի, Ռուբենս և ուրիշներ:

Առանձնապես հետաքրքրված էր հունական ու ճապոնական արվեստով: Տարված լինելով համաշխարհային նկարիչներով՝ զուգահեռաբար ուսումնասիրում էր հայ նկարիչների կյանքն ու գործը: Հովհաննես Թումանյանին ուղղված 1912 թ. մամակներից մեկում կարդում ենք. «Սկսել եմ մի նոր աշխատություն՝ «Միջմադարյան հայ նկարիչները», ուր մտնում են, ինչպես վերանագրեցի, հայտնի միջմադարյան բոլոր հայ նկարիչները՝ իրենց մանրամասն ուսումնասիրություններով, որ դժբախտաբար մենք չունենք»:

Թումանյանն իր հերթին էր Արտավազդին խրախուսում ուսումնասիրել հայոց գեղարվեստ և ուղղորդում էր նրան. այդ մասին կարդում ենք Արտավազդ Թումանյանի՝ Գա-

րեգին վարդապետ Հովսեփյանին ուղղված մամակներում (խոսքը հայ մշակույթի մշանավոր գործիչ, հայագետ, Մեծի Տանն Կիլիկի կաթողիկոս, Լայպցիգի համալսարանի փիլիսոփայության դոկտոր Գարեգին Հովսեփյանցի մասին է): Հարգալից, սրտառու և հոգածու են նաև Գարեգին վարդապետի Արտավազդ Թումանյանին ուղղված մամակները: Արտավազդին հասցեագրված մի մամակում Հովսեփյանցը հայտնում է «Պոլսից նկարիչ Թերլեմեզյանին էջմիածին հրավիրելու և իրեն աշխատակցելու» մասին, ապա ավելացնում. «Եթե Ձեր ժամանակը կներե, կարող եք ինձ մոտ գալ և այդ գուտ մանրանկարչական աշխատանքներին ևս մասնակցի լինել» (1.04.1912 թ.):

Մոսկվայում սովորելու ժամանակ, երբ ստեղծվում է հայկական հնությունները հովանավորող ընկերություն, Արտավազդը խանդավառությամբ է այդ մասին տեղեկացնում Թումանյանին. «Սարյանն ինձ զանգահարեց և խնդրեց շտապել իր մոտ: Ցույց տվեց մշակած, բայց դեռ չհաստատված կանոնադրությունը: Հայրիկ, սա մի վերին աստիճանի անհրաժեշտ և գեղեցիկ կոլտորական ընկերություն է. կետեր կան, որոնք կան նաև ձեր ընկերության կանոնադրության մեջ — բայց միայն այս ընկերությունը կարող է կատարել, որովհետև գործի գլուխ են անցել է՛ն տեսակ մարդիկ, որպիսին են Սարյանը, Մյասնիկյանը, Վաղդանյանը, Արսեն Բուդաղյանը և այլք... ➔ էջ 6

Արտավազդ Թումանյան՝ նկարիչն ու գեղագետը

← էջ 5

Ես համոզված եմ, որ մեր բոլոր վանքերը, խաչքարերը, նկարները, հնությունները կմաքրվեն մամուռից, կխնամվեն, և մուկ-միսկ հայը կգնահատի (թեպետ չի հասկանա) մեր էնքան գեղեցիկ ու մուրբ արվեստը» (20. 01.1914 թ.): Ի դեպ, խորապես հետաքրքրված էր նաև հայ ճարտարապետությամբ, ուսումնասիրում էր Լոռվա աշխարհի մի շարք հուշարձաններ և կազմում այդ տարածքների եկեղեցիների քարտեզը:

Մոսկվայում ուսանողական տարիներին Արտավազդ Թումանյանը նյութական ու կենցաղային մեծ դժվարություններ էր հաղթահարում, բայց դա չէր խանգարում, որ նա հափշտակված մնար արվեստով, ստեղծագործեր ու արարեր, հետևել մեծ քաղաքի մշակութային կյանքին, աշխարհին մայեր արվեստագետի հայացքով:

Շուտով սկսվում է Առաջին համաշխարհային պատերազմը, և Արտավազդը վերադառնում է Թիֆլիս, գորակոչվում բանակ: Պարտադիր զինվորական ծառայությունից հետո կամավոր մնում է՝ աշխատելու Միջազգային Կարմիր խաչի համառոտական քաղաքների միության կովկասյան կոմիտեում: 1915—1918 թթ. աշխատում է այդ կոմիտեում, որի հիմնական խնդիրը պատերազմի հետևանքով տուժած բնակչությանն օգնություն ցույց տալն էր: Սկզբում Իզիրիում և Ջուլֆայում բացում են սննդատու կայաններ, ժամանակավոր իջևանատներ, բուժասանիտարական կետեր: 1916 թ. նա նշանակվում է լիազոր ներկայացուցիչ Վանի շրջանում: Վանում եղած ժամանակ Արտավազդին նաև հնարավորություն է ընձեռվում մասնակցելու գիտնականներ Ն. Ադոնցի և Ա. Քալանթարի հնագիտական



արշավախմբի աշխատանքներին:

Շուրջբոլորն ալեր ու մահ էր, բայց Արտավազդը շարունակում էր ստեղծագործել նկարել և գրել: Ընտանիքին հղած նամակների մեծ մասում խնդրում է ներկեր ուղարկել իրեն, ինչպես՝ «Ընկերս գալիս է Թիֆլիս, և խնդրում եմ նրա ձեռքով անպայման ուղարկեք պաշտ (անձրևանոց-թիկնոց) և, եթե կարող եք, ներկեր...» (10. 11. 1916 թ.): Գաղթի, կոտորածի, սովի դժոխային իրավիճակներում նա անհագործն որոնում էր գեղեցիկը: Քրոջը՝ Նվարդին հղած նամակներից մեկում գրում է. «Ապա թե իմանաս ինչ գեղեցիկ, սրբազան վայրերով եմ անցել. բավական է տամ Ավարայրի դաշտի անու-

նը.... ինչ սքանչելի է.... Ապա Կարմիր գետը, Վարդանի և Ղևոնդի մահատակված տեղերը.... Յեր և Զարավանդ գավառները.... Ես դաշտերով, ճամփաներով ինչ թագավորներ, իշխաններ, ինչ դեմքեր եմ անցել.... Մնացել են զարմացած Բաֆու վրա, թե ինչ վարպետորեն, ճիշտ և գեղեցիկ է նկարագրել ամեն մանրամասնություն, ինչ թափանցող աչքեր է ունեցել «Էդ» անհամգիստ հոգին, ինչ զգացմունքներով է փայլալի իր ամեն մի գրելիք տողը» (02.03.1916 թ.):

Նամակներից մեկում էլ երեխայի ուրախությամբ գրում է հորը, որ մահանջի ժամանակ պատահականորեն փրկվել են նրա ուղարկած նամակն ու ներկերը. «Վերջապես քեզանից նամակ ստացա: Բայց սա բախտավորություն էր, որ ստացա: Նամակը ու ներկերս սիրիական բեռների հետ ժամանեցին մեր մահանջի գիշերը. և, ճ, բախտավորություն, երբ ամբողջ մթերքը և բեռները թողնում ենք Վան և մահանջում, պատահամբ ազատվել են քո նամակն ու իմ ներկերը, որոնք միայն երեկ ստացա» (10.08.1916 թ.): Ուշագրավ է նաև այն, որ Արտավազդը հասցնում է ուսումնասիրել Արթամար վանքի ձեռագրերը, որտեղ գտնվում Գրիգորիս Գեղեցիկի տաղերը՝ արտագրում է ընթերցման ձեռագրով և ուղարկում Յովհաննես Թումանյանին:

Ուշագրավ է, որ տան անդամների՝ Արտավազդին ուղղված շատ նամակներում արտացոլված են նկարիչների, նկարչությանն ու գեղարվեստին առնչվող նորություններ ու նյութեր, որոնք կհետաքրքրեն նրան. Օլգա մայրիկը գրում է Փանոս Թերլեմեզյանի, Աշխենը՝ Լեոնարդո դա Վինչիի բնօրինակ նկարների, Նվարդը՝ Թիֆլիսում կազմակերպված ցուցահանդեսի մասին և այլն:

Նվարդի նամակում ընթերցում ենք. «Մի լավ նորություն. անցյալ կիրակի գնացինք հայ գեղարվեստի ցուցահանդեսի բացմանը. մի շատ սիրուն, հարուստ, գրավիչ ցուցահանդես. ճաշակով՝ ամեն ինչ, ներս գնացողը չի ուզում դուրս գա: Կատալոգը քեզ կուղարկեմ: Ինձ շատ դուր եկան Թադևոսյանի գործերը: Գյուրջյանը լավ բյուստեր ունի — ուլժը, կրակը.... շատ լավն է, ինքն էլ արտիստ մարդ է, գնալու է Մոսկվա: Սարյանը քիչ բան է տվել: Թերլեմեզյանը շատ ունի և հաջող պորտրետներ ունի, դր մեկի մասին խոսեմ, ես շատ եմ ափսոսում, որ դու այստեղ չես, մուկմիսկ մոր նկարիչների գործեր էլ կան: Ես քիչ էր մնում քո Վանա էսքիզները տայի ցուցադրելու, լավ կլիներ չէ՞, լավ գործեր ունես» (14. 02. 1917 թ.):

Աբասթումանից հղված նամակներից մեկում Յովհաննես Թումանյանն անթաքույց հպարտությամբ գրում է որդուն. «Դու ավելի շատ բան ես գիտակցել մեծ նկարիչների կյանքից, քան թե ամբողջ Աբասթումանը, որ շատ զարմացավ այդքան տեղեկությունների վրա: Բայց ամենից լավն էն է, որ դու էլ լավ գիտես, որ ինչքան էլ մեծ տաղանդ ունենա մարդը, գիտությունը ու զաղափարները և տպավորություններն են, որ հարստացնում են նրան, ճոխացնում են, խորացնում են»:

Աշխարհը փոխելու, աշխարհը սիրելու մշտանորոգ ու գեղագետ հոգի էր Արտավազդ Թումանյանը, բայց եղբրական իրադարձությունը, ավանդ, ընդհատեց նրա ստեղծագործ ծաղկունքի ճանապարհը...

Լուսինե ՂԱՐԱՆՍՆՅԱՆ, հ. գ. թ.
«Յովհաննես Թումանյան» թանգարանի տնօրեն

Գևորգ Ե Ամենայն Հայոց Կաթողիկոսի սրբատառ կոնդակը Մայր Աթոռ Ս. Էջմիածնում Գերագույն հոգևոր խորհուրդը հիմնելու մասին

Գևորգ՝ Դիսուս Քրիստոսի ծառա և Աստծու անհասանելի կամքով եպիսկոպոսապետ և Ծայրագույն Պատրիարք և Ամենայն Հայոց Կաթողիկոս Արարատյան համագային նախաձեռնար Աթոռի՝ Առաքելական Մայր եկեղեցու Սուրբ Կաթողիկե Էջմիածնի

Երուսաղեմի հայոց Ամենապատիվ պատրիարք Տ. Եղիշե արքեպիսկոպոս Դուրյանին, Կ. Պոլսի հայոց պատրիարքական տեղապահ Գերաշնորհ Տ. Գևորգ արքեպիսկոպոս Արսլանյանին, Կ. Պոլսի հայոց Ազգային ժողովի կենտրոնական վարչությանը, Գերաշնորհ առաջնորդներին, արքեպիսկոպոսներին և եպիսկոպոսներին, Արժանապատիվ հոգևոր հովիվներին, բաժանաներին և ամենայն հոգևորականներին, թեմային խորհուրդներին, վարչություններին, հոգաբարձություններին և հայոց եկեղեցիների խորհուրդներին, Մայր Աթոռի հարազատ որդիներին՝ հայրապետական ողջույն և օրհնություն:

Հայաստանյայց Առաքելական Սուրբ եկեղեցին իր բազմադարյան գոյության ընթացքում անասան է պահել ժողովրդական ոգին և հայ ազգը, որ սփռված է աշխարհով մեկ՝ լցված ջերմեռանդ հավատով, հույսով և սիրով իր բազմաշարժար ազգային եկեղեցու նկատմամբ: Այն ազատ և անկաշկանդ կամքով ընտրել է իր բոլոր պաշտոնյաներին՝ սկսած հայ ժողովրդի Հայրապետից մինչև եկեղեցու վերջին սպասավորը, ինչպես նաև իր բոլոր վարչությունները, խորհուրդներն ու հոգաբարձությունները: Եվ դարավոր ընտրողական ու ժողովրդական ոգին և ուղղությունն այդ միշտ եղել են Հայաստանյայց Սուրբ եկեղեցու միասնության խաղիսխն ու կենսունակության աղբյուրը, ինչպես նաև ազգային մտավոր և բարոյական-կրոնական առաջընթացի հզոր հիմնապատճառը մեր ժողովրդի համար:

19-րդ դարասկզբին Հայաստանի երկրամասը, ինչպես նաև Մայր Աթոռ Սուրբ Էջմիածինը, ընկնելով միապետական Ռուսաստանի իշխանության ներքո, դժբախտաբար, թուլացան, և նենթացան ընտրողական սկզբունքն ու ժողովրդական ոգին մեր ազգի մեջ՝ քաղաքական իշխանության ճնշմամբ և «Պոլսեմիե» կոչվող բարձրագույն կա-

նոնադրության հաստատած սահմանափակումների պատճառով: Սա հասավ այն աստիճանի, որ Հայոց բարձրագույն հոգևոր իշխանությունը, տասնամյակներ շարունակ պայքարելով բռնությունների, հալածանքների և ժողովրդական եկեղեցու և այլ ազգային հաստատությունների իրավունքների խախտման դեմ, ջանքեր գործադրեց՝ մեր ժողովրդի ազատ մասնակցությամբ և ընտրությամբ թեմական ժողովներ ու խորհուրդներ հիմնադրելու: Այդ պատճառով երջանկահիշատակ մեր նախորդ կաթողիկոսները՝ Տ. Տ. Սկրտիչ Խրիսյանը և Տ. Տ. Մատթեոս Իզիրյանը, Ռուսաց կենտրոնական կառավարության կողմից մեղադրվեցին հակապետական գործունեության մեջ:

1917 թվականի հեղաշրջմամբ Ռուսաստանի կառավարության բռնապետական լուծը թոթափվեց, որից հետո միայն հնարավոր եղավ և հաջողվեց Մեզ մույն թվականին այստեղ՝ Սուրբ Էջմիածնում, հրավիրել Ռուսաստանի հայոց հոգևորականության՝ թեմական, թեմաշխարհիկ (իմա՝ ամուսնացյալ) ներկայացուցիչների համագումարը՝ խորհրդակցելու և մեր եկեղեցու բարենորոգման ծրագրերը մշակելու համար: Այնուհետև, մինչ Մենք մտածում էինք շտապ կազմակերպել ազգային եկեղեցական ժողով՝ հրավիրելով բոլոր կողմերից և թեմերից թեմ հոգևոր, թեմաշխարհիկ պատգամավորների, որոնք ընտրված էին մեր ժողովրդից, դժբախտաբար, տեղի ունեցած իրադարձություններն ու ցավալի համագամքները, աղետաբեր պատերազմներն ու խռովությունները մեր երկրում խոչընդոտեցին իրականացնելու Մեր ցանկալի մտադրություններն ու որոշումները: Դրա հետևանքով եկեղեցական-վարչական, կրոնական-ծիսական և բազմաթիվ այլ ազգային խնդիրներ ու բարենորոգման և բարեկարգման գործեր մնացին անորոշ վիճակում, սակայն Մեզանից պահանջում էին վերջնական տնօրինություն և շուտափույթ կարգավորում:

Արդ, նկատի ունենալով բոլոր համգամանքները, ժամանակի պարագան և Մայր Աթոռ Սուրբ Էջմիածնի պայմանները, ինչպես նաև խորհրդային իշխանության քաղաքա-

կան օրենքներով եկեղեցու անջատումը պետությունից, որով նախկին պետական կանոնադրությունը՝ «Պոլսեմիեմ», ուստի և Սուրբ Էջմիածնի Հայոց Սինոդը, արդեն իսկ կորցրել էին իրենց իրավական և բարոյական նշանակությունն ու ազդեցությունը, և հասկանալով, որ ներկայում անհնար է հրատապ հրավիրել Ազգային-եկեղեցական ժողով, որը լիազորված մարմին է և Հայ Առաքելական եկեղեցու բարենորոգմանն առնչվող բոլոր գործերն ու խնդիրները ազատորեն տնօրինող՝ համաձայն մեր եկեղեցու ավանդական կարգերի, և գիտակցելով, որ Մենք ևս ծանրաբեռնված ենք բազմաթիվ վշտերով ու դժվարություններով, նաև անհնար ենք համարում թողնել այդ բոլոր խնդիրներն ու գործերը անորոշ վիճակում՝ առանց սահմանափակումներ ուրոշման, նկատի առնելով նաև Մեր ստացած գրությունները՝ թեմաշխարհիկներից, թեմաշխարհիկ արքեպիսկոպոսներից ու եպիսկոպոսներից, մույնպես և Մեզ ուղղված դիմումները՝ մեր թեմերի առաջնորդներից ու ակամավոր ազգային գործիչներից, ուստի Մենք՝ Ծայրագույն Պատրիարք և Ամենայն Հայոց Կաթողիկոսը և Հայ Առաքելական Սուրբ եկեղեցու Յովվապետը, մինչ Ազգային-եկեղեցական ժողովի կազմակերպումը, անհրաժեշտ և անհետաձգելի ենք համարում Մեր հայրապետական կոնդակով ժամանակավորապես Մայր Աթոռում հաստատել Գերագույն հոգևոր խորհուրդ՝ Սինոդի և մեր Դիվանի փոխարեն՝ համաձայն այս որոշման:

ա) Սուրբ Էջմիածնի Գերագույն հոգևոր խորհուրդը կազմված է Մեր նախագահությամբ և վեց փորձառու արքեպիսկոպոսներից ու եպիսկոպոսներից, որոնք են՝ Գերաշնորհ Տ. Մեսրոպ, Տ. Խորեն և Տ. Բագրատ արքեպիսկոպոսներ, Գերապատիվ Տ. Գարեգին, Տ. Չավեն և Տ. Գյուտեպիսկոպոսներ:

բ) Մեր բոլոր թեմերի առաջնորդներին կարգում ենք որպես Գերագույն հոգևոր խորհրդի անդամներ, և նրանք, գտնվելով այստեղ՝ Սուրբ Էջմիածնում, կամ անհրաժեշտության դեպքում հատուկ հրավերով ներկայանալով, մասնակցում են Գերագույն խորհրդի ժողովներին:

գ) Մեր բացակայության դեպքում Գերագույն խորհրդի ժողովները նախագահում է Մեր տեղակալը:

դ) Մայր Աթոռ Սուրբ Էջմիածնի, Հայաստանի և արտասահմանի եկեղեցիների ու թեմերի բոլոր կրոնական, վարչական և տնտեսական հարցերն ու գործերը քննարկվում են Գերագույն խորհրդում և ստանում վերջնական որոշում ու լուծում:

ե) Գերագույն հոգևոր խորհուրդը պարտավոր է, ըստ հնարավորության և հանգամանքների բերումով, արագացնել Ազգային-եկեղեցական ժողովի կազմակերպումը՝ համապատասխան ժամանակին ստանալով խորհրդային Հայաստանի իշխանությունների թույլտվությունը:

Ներկայացնելով այս հայրապետական կարգադրությունը ձեզ բոլորիդ, սիրելի՛ եղբայրներ և որդիներ, լիաժույց ենք, որ դուք՝ բոլորդ, այս բացառիկ ժամանակահատվածում միշտ և ամենուր անխնայ կերպով աջակից և գորավիճ կլինեք Սուրբ Էջմիածնի Գերագույն հոգևոր խորհրդին բոլոր այն գործերում, որոնք միտված են Հայ Առաքելական Սուրբ եկեղեցու և մեր մյուս ազգային հաստատությունների բարենորոգմանը, բարգավաճմանն ու պայծառությանը:

Օրհնելով ձեզ բոլորիդ՝ մաղթում են, որ Տերը պարզի ձեզ իմաստություն և գործություն, որպեսզի ամենայն եռանդով և սրբությամբ ի կատար ածվեն ձեր բոլոր պարտականություններն առ Մայր Աթոռ, առ Հայաստանյայց Ս. եկեղեցի:

Ո՛ղջ եղե՛ք՝ զորացած Սուրբ Հոգու շնորհներով և հավետ օրհնված Մեր կողմից: Ամեն:

ՎՇՏԱԽ ԳԵՎՈՐԳ Ե
ԾԱՅՐԱԳՈՒՅՆ ՊԱՏՐԻԱՐԶ ԵՎ ԿԱԹՈՂԻԿՈՍ
ԱՄԵՆԱՅՆ ՀԱՅՈՑ

1 հունվարի 1924 թ.
Ըստ Տոմարի՝ ՌՅՅԳ (1373)
Մեր հայրապետության ԺԳ. տարում
Արարատյան Մ. Աթոռ Ս. Էջմիածին
Վաղարշապատ
Թ. 1

Գրաբարից փոխադրությունը՝
«Քրիստոնյա Հայաստան»-ի

Հայրենիքի և մարդու միագոյությունը Եղիշե Չարենցի պոեզիայում

← էջ 5

«Պայտերը դոփում են քունքիս մեջ հիմա... // Անհայտ է աշխարհը՝ անցնում է ու մահ...»: Հայրենիքի ճակատագիրն անձնականացրած բանաստեղծի՝ հեղափոխության ճանապարհին ուղեկից տարակույսի դրաման հոգեբանական խտացման է հասնում «Ողջակիզվող կրակ» շարքի «Ինչպես երկիրս անսփոփ, ինչպես երկիրս բախտագուրկ...» սկզբնատողով բանաստեղծության մեջ:

Եվ այս երգերը իմ կարմիր, ախ, այս երգերը իմ կարմիր, Որ երգում է անսփոփ սիրտս կրակում— Ինչպես պիտի արդյոք հնչեն, ախ, այս երգերը իմ կարմիր— Իմ ավերակ, իմ ճրք երկրում...

Տարակույսի դրամատիկ պահը բանաստեղծության մեջ ավարտվում է իրողության հայտնաբերման ողբերգական տրամադրությամբ: «Կերք է դառնում սրտիս խորքում օրերի փայլը այս հրակ, // Ախ, սիրտ իմ՝ բոլոր ու անսփոփ,— երկիր իմ՝ ճրք ու անուրախ...»: Հոգևոր տրամադրությունը հասնում է մտածական լարման մի վերջնակետի, որից այն կողմ անկումի սարսափի հոգեվիճակն է: «Անկումների սարսափից» բանաստեղծությունը անկումին դեմ հանդիման կանգնած, նախորդ խոց-խոհի, նախորդ անդուռ կարողի հոգեվիճակին դատապարտված բանաստեղծի ներքին մենախոսությունն է:

Ինչ է ուզում ինձանից կապույտ մորմոռը հրի: Ինչ է ուզում քո հոգին, հազարամյա Նաիրի:

Բանաստեղծի խոհափոխական ապրումներն ի վերջո զարգացրած բանաստեղծության են հասնում «Հայաստանին» տաղում: Ժողովրդի պատմական ճանապարհի քննությունը հանգեցնում է փորձությունների ու ողբերգությունների անընդմեջ հաղթահարման ազգային ճակատագրի խոհափոխությանը՝ «Հազար ու մե վերք ես տեսել— էլի կտեսնես... // Աշնան քաղած արտի մման հազար գոհերի // Չհավաքած բերք ես տեսել— էլի կտեսնես...», որից հետո գալիս է սիրո ու ցավի երկրի պաշտամունքի հոգեկան պահը, փառաբանության հոգևոր ծեսը, ինքնագոհաբերման աստիճանի ինքնանվիրության խոստովանանքը: «Ես իմ անուշ Հայաստանի արևահամ բառն եմ սիրում...»:

Ամբողջ 1920-ական թթ. հայրենիքի կորուստի կասկածի խոհը շաղափում էր բանաստեղծի գիտակցությունը: Ազգային որոշակի քաղաքական ուղղվածության պատկանող իր հերոսների միջոցով Չարենցն անուղղակիորեն հայտարարում է ինքնությունը կեղեքող ներքին կասկածը:

Ստածում էր՝ «Բաղդադ են հասել Չորքերը անասինման Ռուսի— Էլ Սրանք Ինչո՞ւ են փախել Բիթլիսից, Բաղդադից, Մուշից... Էլ Ինչո՞ւ Երզրումն առավ Անհաղթ Անդրանիկ փաշեն...»:

Դարերի մեջ որպես արյունոտ հարցանիշ մեխված Նաիրիի կորուստի կասկածի խոհը խոշտանգող է Չարենցի այլ հերոսի՝ խմբապետ Շավարշի դեպքում: «Ոչխարների մման սարսափահար // Նրանք փախան ֆրոնտից, տվին Երզրումը, // Հետո Կարսն, Ալեքսանդր... վայձ ձեզ, հայեր...»: Հայրենիքի պատմության մեջ հեղափոխության ողբերգական հետևանքների գիտակցումը տեղիք է տալիս մահվան տեսիլների վերակրկության:

Այդ տեսիլը Չարենցի խորհրդապաշտական գեղագիտական համակարգին բնորոշ տխրադալով աղջկա լուսե պատրանքը չէ կամ հոգու այլագոյությունը, մահը՝ «անգույն ու անբեր» կյանքին հակադրվող «լուսավոր առասպելը» կամ «անըջալույս տրտմությունը»: Տեսիլն այս դեպքում ոգու բերկրանքի ակնթարթ չէ, այլ չարչարանքի մղձավանջ, մահը՝ ազգային գոյության վախճանի ողբերգություն: Դարձյալ տիրապետող է հոգեցնցումի զգայության՝ ինքնախոշտանգող մեղքի ներքին խոհը՝ ուղղված այս անգամ իր



Մարտիրոս Սարյան, «Եղիշե Չարենցի դիմանկարը», 1923 թ.

դեմ, որովհետև ինքն էլ հեղափոխությանը խանդավառվողների շարքում էր: Հեղափոխության այգաբացի լուսավոր սպասումը բանաստեղծության մեջ փոխակերպվում է «անկրակ իրիկնաժամի» և հայրենիքի կախաղանի մռայլ պատկեր-ապրումի: Հայրենիքի ճակատագրի պատասխանատվության տառապագին խոհը՝ «Գուցե այդ ես եմ, որ սրտով իմ լուսնահար // Ո՛չ մի կրակ հեռուներից ձեզ չբերի», դառնում է ինքնագոհաբերության բարձրագույն վճիռ՝ հայրենիքի փրկության վերջին կամքով:

Թող ո՛չ մի զոհ չպահանջվի ինձնից բացի, Ուրիշ ոտքեր կախաղանին թող մոտ չգան. Եվ թող տեսնեն իմ աչքերի մեջ կախվածի, Իմ բորբ երկիր, լուսապսակ քո ապագան...

Որպես ներհոգեկան հարվածի զգայության մի փուլ՝ Չարենցի պոեզիայում առանձնանշվում է նաև ազգի պատմական անցյալի վերաքննությունը, ինչն այս դեպքում, բնականաբար, պետք է ընկալվեր որպես «անանցյալ անցյալ»: Անանցյալ անցյալի մտատանջությունը՝ որպես հոգեվիճակ, առկա է ոչ միայն «Պատմության քառուղիներով» պոեմում, այլև որպես կեսգիշերային անքնություն՝ «Դեպի լյառը Մասիս», «Զրահապատ «Վարդան Զորավար» պոեմներում:

Այսպես անցել ենք մենք անխոհ ու անզաղափար Պատմության քառուղիներով, որպես միրաժ,— Կտրել ենք երկար մի ճանապարհ, Եվ ճանապարհը մեր այս էրը է արդյոք փայլատակել, ճ, էրը, էրը է վառվել լույսով գալիքնափայլ...

Պատմության քառուղիներով անընդհատ խորացող ներքին հայացքը, ազգային ինքնաճանաչողության դառը խորհրդածությունները հանգում են «անխոհ ու անզաղափար» պատմական ճանապարհի վերջնակետին, ապագայի անհետանկար դիմապատկերին:

Ու կանգնած ենք ահա ապագայի հանդեպ Չարմանալի թեթև, զարմանալի անդեմ՝ Մերկության պես տկոր ու անանցյալ...

Ռուսական կողմնորոշման չարենցյան ընկալումը ժամանակային որոշակի չափումով և անհատականացված դրամատիզմով առկա է ոչ միայն «Պատմության քառուղիներով», այլև «Դեպի լյառն Մասիս» պոեմում: Արվյալի կյանքի անդուռ տարիների խորախոց խոհը՝ «Եվ չի եղել արդյոք իր ողջունած հեռուն // Մի թիարան վատթար», Չարենցին է նաև:

Մ, անպտուղ վաստակ ու տքնություն երկար, Գոսն օրերում— ոգու հոգնություն եղկ,— Անտեսնելի գալիք ու կապարե ներկա, Անհորիզոն կյանքի կապարե երգ... Միթե սուտ է բոլորը և փորձանք...

Տարիների ստեղծագործական այս խոհերն ի վերջո ամբողջանում են «Մահվան տեսիլ» պոեմում՝ որպես զառանցանքի տեսիլային համապատկեր: Հիվանդագին չափերով սրված հոգեկան զգայությունները, ենթագիտակցության մեջ բեկված մտապատկերների գերստեղծվածությունը ոգու տեսադաշտ են բերում ազգային մտավոր համճարի գալիք սպանողը: Անհայտ է «Դանթեական առասպել» և «Մահվան տեսիլ» պոեմների մղձավանջային հոգեճնշիչ պատկերների ներքին առնչությունը՝ առաջին հերթին «Եվ չունե՛ք անգամ փոս դուր» հիմնական թեմայի հետ: «Եվ օտար եք հայրենի հանդուր՝: Հոգեկան ծայրաստիճան գրգռված կացությունն արտահայտվում էր ոչ միայն գեղարվեստում, այլև կյանքում: Իր՝ Մարիամա Ավագյանի սպանության փորձի նախահոգեվիճակի առնչությամբ Չարենցը հիշում է. «Ես վախենում էի մենակ մնալ... Գիշերվա ընթացքում բնակարանում հնչող յուրաքանչյուր ձայն ինձ սարսափ էր մատնում: Այս ամենին գումարեք և այն, որ եթե ինձ հաջողվում էր քնել՝ այդ քունը անմիջապես փոխվում էր զարհուրելի զառանցանքի... Я живу еще физически — но я уже труп. Я чувствую свое разложение. Я с ума схожу» («Ես դեռևս ապրում եմ ֆիզիկապես, բայց ես արդեն դիակ եմ: Ես գգում եմ իմ քայքայումը: Ես խելագարվում եմ»): Այս հոգեվիճակի բանաստեղծական պատկերն է 1935 թ. գրված «Զառանցանք» բանաստեղծությունը:

Առանձնաթափ մի մարդ, գանգը մման կապկի, Նստել էր կոկորդիս և ինձ խեղդում էր... Թույն էր թորում նա իմ գիշերային շապկին— Եվ անունը նրա... «Քնքշություն» էր...

Զառանցանքն այս դեպքում հոգեկան խաթարման երևույթ է, պատճառաբանված հոգեկան հետևանք: Հանճարեղության և խելագարության դրամատիկ ժամադրությունից չէր դա, այլ պատմական պահի ուժեղ վերապրումից: Ցեղասպանության մտասևեռումը Չարենցի մեջ ընդմիջտ մնաց որպես չհաղթահարված հոգեկան տագնապ: 1931 թ. հոգեկան ջղագրգիռ վիճակում Չարենցը նաև ինքնասպանության փորձ է արել մախ՝ ատրճանակով, ապա՝ զարկերակը կտրելով: Ողբերգության դատապարտված մարդու մեքնության հոգեվիճակը տեղիք է տալիս ներքին բախումների ու հակասական տրամադրությունների: 1935 թ. Չարենցը գրում էր. «Լեցուն է սիրտս լացով... // Ինձ խաբում, ինձ դավում են թերևս», մի օր հետո՝ «Պետությունն» ամբողջ իր ապարատով // Ելել է ահա... մի պոետի դեմ... // Էլ ինչպես ես ինձ ահով չդիտեմ // Ու չհիանամ...»: Հեղափոխության «ընդյալ այգաբացի» բանաստեղծական վառ պատկերը դառնում է «ցուրտ Հոկտեմբերի» անշող պատկեր: Տերյանի «Ցուրտ Հոկտեմբերն է ծեծում իմ դուռը» դրամատիկ խոհ-ապրումը՝ հեղափոխության ներքին իսկության ընկալումն ու

վերապրումը, Չարենցի դեպքում դառնում է «Ցուրտ Հոկտեմբերն է գալիս...»: 1936 թ. գրված այս ռուբային մտավոր հալածանքի ու խեղված կյանքի զգայապատկերն է:

Ցուրտ Հոկտեմբերն է գալիս, ցուրտ Հոկտեմբերն է գալիս,— Ել, բանաստեղծ, հավաքիր գիրք, և՛ հուշեր, և՛ խոհեր... Ո՛չ բարեկամ կա կյանքում, ո՛չ թշնամի անձկալի...

Մահվան մղձավանջը՝ հարսանիքի, ցնծության ու ծիծաղի զառանցական աղմուկ-տեսիլներով, համատարած է Չարենցի այդ շրջանի գործերում: «Թմբուկ են խփում, հարսանիք է, // Հարսանիք է երկրում աշնանային— // Արշավում է անողոր գալիքը// Չգեցած զգեստներ մահի...»: Հաջորդ բանաստեղծության մեջ տեսիլը սաստկանում է ուղեղի մեջ պարս բռնած զգայական զարհուրելի պատկերի: Ստրկացված ամբողջ երկրի և բռնակալի պաշտամունքի ծես-առեքեսման պատկերն է դա: «Ցնծություն է, ծիծաղ // Եվ <...> հարյուր հիսուն միլիոն մարդ // Կարունել են նստել <...> // Եվ վերևում ժպտացող մի իդիոտ...»:

«Կարմիր» գույնը իշխող տրամադրություն է դառնում Չարենցի 1935—1937 թթ. բանաստեղծություններում՝ համալրվելով բովանդակային մոր շերտերով: Արյան գույնի ավելանում է արյան հոտը: «Հոտ է գալիս կրկին արյան // Այս վարպետի եփած ճաշից»: Արյան զգացողությունը աստիճանաբար խտանում, մարմնավորվում է որոշակի պատկերի մեջ, դառնում գործողություն-պատկեր:

Վաղ աղջամուղջն այնքան ըղձյալ Այգաբացի Մայրամուտի փոխվեց արյունալի՜,— Ուր մեր Արևն է մոր սուզվում արյունալի, Որպես կարմիր գլուխ գլխատվածի...

Գլխատվելու մշտառկա հոգեվիճակը «Օ՛, մանկիկներ մեր լույս...» սկզբնատողով բանաստեղծության մեջ առարկայանում է՝ սպառնալով մի ամբողջ սերնդի. «Իսկ ձեզ համար նոքա արդեն սրուն են սուր, // Որ մի գիշեր անլույս ձեզ գլխատեն»: «Կարմիր», «կացմի», «գլխատումի» պատկերների տիրույթն ի վերջո ամբողջանում է կյանքի լույսը գլխատող դահճի կերպարով: «Միջնադարյան կացին» բանաստեղծության մեջ՝ գրված 1937-ին բանտում, ամբողջանում է կառափներով գահին տիրող և միջնադարյան սրած կացնով դահճի զարհուրելի կերպարը: Պատկերը մանրամասնվում է ահասարսուռ չափերով. «Նա մորթոտված գլուխների // Ուղեղներն է միայն ծամում»: Այդ դահիճը մեկ «Շահ Աբասի շառավիղ» է, մեկ՝ «թիֆլիսցի կինտո», մեկ՝ «զարհուրելի երևույթ» չեղյալ աշխարհում», մեկ՝ «իբրև մի Նեմ» քաղցած, աններ— ձեռքին կարմիր մի կացին»:

Այնուհանդերձ, այս ամենից հետո, իր արմատի և բունի աներկբա ու սթափ գիտակցությամբ, Չարենցը հաստատում է ազգային գույնի և ոգու անվախճանականությունը:

Ախ, քանի անգամ բարձրացավ Սև կացինը, որ ինձ զգեստեմ, Եվ որքան ձգտեցին գտնել Իմ երգի արմատները կարծր,— Դիմացած քանի հարվածի, Եվ կրծքից, և՛ բնից խոցված— Հայրենի ավյունով լցված— Չըկտրեց և՛ ոչ մի կացին...

Չարենցի մահվան տեսիլների տրամաբանական վերջին հայտնությունը «Ամվերնա-գիր» բանաստեղծությունն է՝ գրված 1936 թ.: Մահվան դեմ հանդիման կանգնած, մահվան տեսիլներով շարունակաբար կեղեքված բանաստեղծը, հպարտ ու անպարտ ինքնությամբ, պատկերացնում է այն, ինչ լինելու է իր հետ հետմահու:

Այդ բոլոր մարդիկ իմ մահվան բոթից, Որպես ընդհանուր աղետից սարսա՜ծ Չարմացած կզգան ինձ այնքան մոտիկ Եվ հանկարծ այնքան թանկ ու հարազատ...

Եղիշե Չարենց. Իմ լեռան աղոթքը (հատվածներ)

Նոյեմբերի 27-ը Եղիշե Չարենցի մահվան օրն է։ 1937 թ. այդ օրը՝ Երևանի բանտում ամիսներ տևած չարչաչանքներից հետո, ավարտվեց հանճարի երկրային կյանքի ժամանակը։ Չարենցը մեղադրվում էր այնպիսի հոգվածներով՝ «հակախորհրդային գործունեություն», «նացիոնալիզմ», «հակապետական գործունեություն» և այլն, որոնցով դատապարտվողները գնդակահարվում էին։ Հնարավոր է՝ ոչ միայն դեղերից զրկելով, այլև մարմնական հաշվեհարդարով արագացրել են բանաստեղծի մահը։

Չարենցի աճյունն առայսօր հանգչում է անհայտության մեջ։

Քառասնամյա կյանքի քարն ուսերիս վրա,
Արարչական գործիս անագորույն կեսին
Հղում եմ Քեզ կրկին ահավասիկ ես իմ
Խոհն անտրտունջ երթիս՝ աղոթքը իմ լեռան։
Քեզ, իվ Բաշխող խոհի և շնորհող եռանդ,
Քեզ՝ Տվողիդ հանճար, և՛ ինքնություն, և՛ ձիրք. —
Դող՝ տարփուխում պարող, շնորհք՝ բանաստեղծին,
Որ բարբառեն բանիվ և գեղգեղեն ձեռամբ...
Շնորհապարտ եմ, Տեր, ինձ լիաբուռ ձոնած
Շնորհների համար և ձիրքերի անեղծ, —
Որ կոչեցիր երգիչ ու բանաստեղծ
Նվիրեցիր տավիղ և էվոլյան քնար...
Շնորհապարտ եմ, Տեր, ես առավել սակայն,
Որ կոչեցիր Դու ինձ ոչ սոսկական քերթող, —
Այլև ասպետ, և պետ, և զինակիր,
Եվ սերմնացան անմիջ՝ դժնի ժամանակի։

Իբր աղամանդ մաքուր տառապանքով թրծած,
Պայծառացավ նա հար և կարծրացավ անվերջ, —
Հայրենական հողում որքան ապաքինվեց՝
Ստրկության դժնի կոշկոճներով քերծած։ —
Ո՛վ Տեր, գիտես, որ այս հողն հոգևոր ցողող
Իբր հայրենի հողի վաղվադակի մշակ —
Դեմքիս հազարամյա հալածանքի նշան՝
Հերկդ եմ հերկել խոսքի աղամանդյա խոփով...
Գիտես, որ հար՝ ելած նախքան լուսաստղը վաղ՝
Ինքս՝ ոգով անխոնջ լծված իբր համր եզ՝
Խոփն եմ քաշել խոհիս — և ինձ հենց ինքս, ես
Խարագանել խստիվ, որ չընթանամ դանդաղ, —
Եվ վաստակել եմ մինչ ուշ գիշեր խրթին,
Մինչև վերջին կաթին առօրեական ուժիս, —
Ապա քնել եմ ես դաշտում քնով ուշին
Որ լուսաստղից առաջ — կրկին ելնեմ երթի։ —
Սակայն գիտես Դու, Տեր, որ ոչ ինձ լուծիդ
Ծանրությունն է ընկճել,
Ոչ գեփյուռը շնչով շոյել է դեմքիս վճիտ
Ձովացուցիչ քրտինքը — իբրև բալզամ —

Օ, ի՛շ. — Դու չես լսել երբեք տրտունջը իմ
Ոչ հոգնության, ոչ չար հեղյուրանքի հանդեպ.
Թեկուզ իջել եմ ծանր, օրհասական ամպեր
Իմ ուսերին խոնջած և անտերունջ շնչին...
Ինձ չի՛ ընկճել երբեք և ի՛շ մի ծանր քար,
Եվ ոչ մի սև կոշկոճ՝ ընկած խոփիս առջև. —
Ես չեմ շեղվել երբեք, — երբեք ետ չեմ դարձել
Ակոսներից երկար, և քարքարոտ, և դար։ —
Ես չեմ շեղել երբեք հերկն հայրենի Խոհի, —
Եվ հանդուրժել, որ քյուր սերունդների հերկած
Հիմ գրքերում մնա անգամ չնչին մի քար՝
Նետված օտար ձեռքով, որ խարանե Ուղին...
Եվ մառախուղ, և մեզ, և կողմերից օտար
Հոնդալով թռչող ոչ ընչաշունջ քամի, —
Եվ վայրենի վրեժ դժնի բարեկամի,
Եվ ոսոխի ժամիք արյունոտած —
Հեղեղատներ՝ հանկարծ հայրենական հողի
Անդաստաններն համայն հեղեղատող, —
Չեմ ընդհատել երբեք այս Տքնությունն անդուլ
Հազարամյա արյամբ սրբագործված Խոհի...

Եվ Դու, ով իմ Տեր, որ՝ չնայած անվերջ,
Անհատնելի, նորանոր, որոմային ձիրքով՝
Ջարիուրելի կենսունակ, ինչպես անհուն ձեռքով
Աղետալի բեղմնությամբ ցանված որոմ անկեզ,
Յուրաքանչյուր անարատ բողբոջի կողքին,
Ահ, որպիսի ամեհի, անմարելի խանդով
Հոնդում եմ, բազմանում ու բազմանում անթիվ
Իրարամերժ սաղմերն այս սև — դժնի դժոխքի...
Եվ այն գիտես, ով Տեր, Դու, որ որոմն անցան՝
Սաղմն անմշակ այդ սերմի՝ հրի պես լափող, —
Ինչպես մորեխ ինքնակեր՝ զարիուրելի թափով
Բազմանալով, լափելով սերունդների անծայր։
Անխզելի տքնությամբ՝ հերկում միևնույն
Ամենօրյա, տվնջյան աշխատանքով ցանած
Բերքն անաղարտ, — խժռելով դեռ նորընծա կանաչ,
Անգամ արմատ ձգած պիրկ շյուղեր ինքնահուն, —
Հրկիզելով, խանձելով, իբր անխորհուրդ հրդեհ —
Հազարամյա մեր ցանի բերքն այսօրվա կանաչ, —
Հրկիզելով անգամ մեր երգն այսօրվա անհաս,
Ողջ կենսաբաղձ մի սերունդ՝ սեզ նորածիլ իբրև դեռ, —
Միևնույնն է, իվ Տեր, հանճարավոր ամմահ, —
Ո՛վ ինձ խորհուրդ պարզևող և անխորտակ ոգի, —

Ջրահավոր Քո տված իմաստությամբ՝ գիտեմ,
Որ՝ ինչպես բոց ինքնաչափ՝ ընդերքներին անմաս, —
Ինչպես երեկ, ինչպես միշտ՝ չգտնելով շուրջն իրենց
Հեշտ, դյուրակեզ ոչ մի շյուղ այլևս կենդանի, —
Լափիլզելու եմ իրենց զարիուրելի խանդով
Եվ մոխրացած՝ <...> հողն հայրենի։
Թեկուզ անիմջ իմ ողին երբեմնակի բեկված՝
Թողած ակոս, թողած հերկ, թողած հազարամյա,
Անձկալի տքնությունն — իր հին, զառանյալ
Ողբն է հյուսել՝ սգալով կարոտն աներկբա, —
Շնորհակալ եմ, Տեր, ինձ շնորհած անմահ
Իմաստության համար այն՝ զրահավոր, որով՝
Կարողացել եմ տեսնել թե ծիլ, թե որոմ, —
Եվ սնել ծիլ բազմաթիվ՝ ուժերին անմարս...

Իմ հանճարի անցած չարչարանաց լեռան
Եվ դժվարին, և դառն ճանապարհի կեսին —
Ահա հղում եմ քեզ խեղճ աղոթքը ես իմ, —
Ո՛վ Առաջնորդ ու Տեր հոգիներին մեր այն,
Որք — կկերտեն ոգով և որք «կերգեն ձեռամբ...»
....Ո՛վ Առաջնորդ ու Տեր ու մեծագույն վարպետ
Տիեզերքում սփռած բազմաբազում —
Եվ աշխարհում, կյանքում, և երազում
Մարմնավորված ոգի և կերպարանք տարբեր —
Յուրաքանչյուր չնչին սաղմնավորման անգամ
Ձև ինքնություն տվող և ինքնության պատկեր, —
Արարչագործ կամքի իվ անհատնում <>


Ոչ քաղցրություն եմ հայցում ես Քեզմից, Տեր՝
Իմ դառնության բաժակին խառնելու հաշիշ, —
Ոչ զորավիզ՝ տեգերի անդեպ ամբարիշտ,
Որ ինձ խոցել եմ անվերջ և խոցոտում եմ դեռ, —
Ոչ բալասան եմ ուզում՝ վերքերին իմ սև,
Բազմաչարչար իմ մարմնին՝ զարկված ամենքից, —
Ոչ ստության, պղծության և քսության պիղծ
Նիզակներով ծակոտած իմ կողերին դեղ. —
Ո՛չ չեմ սարսում արտաքին և ոչ մի ուժից, —
Եվ ոչ դրսից ինձ դավեր նյութողներից նոր, —
Բարձր է անպարտ իմ ոգին և զրահավոր՝
Ամենայն ուժ արտաքին դարձնելու փոշի։
Ո՛չ ես հիմա, ոչ առաջ իմ վերքերի վրա
Ուժ չեմ հայցում, չեմ հայցել և չեմ հայցի երբեք, —
Իմ մարմնական տոգորման, ողջակիզման դեմ,
Ես — ինքս եմ իմ դեմ — իվ Տեր, — հայցում զրահ...

Տնր ինձ կորով, տնր ինձ ուժ, տուր զորություն անկոր,
Տնր գիտություն սեփական սահմանների, խորքի, —
Տուր տեսություն անմշուշ աչքի, շնորհքի —
Անեզրական տքնությամբ, համբերությամբ, կամքով
Ալեկոծվող իմ ոգու, իմ հոգևոր խորքի,
Կենսահարույց ուժերի ակունքներից ամտես
Պղպջացող, եռացող ջերմուկների պես
Դեպի արև խոյացող այս խաժադուժ զորքին —
Դեպի արև, դեպի կյանք, դեպ դաշնություն ու ձև,
Կերպավորման, դաշնության, քյուրեղացման ձգտող
Այս քառսի խաժադուժ արշավանքի հանդեպ
Լինելու բարձր ու զգաստ՝ ոչ ենթակա ստրուկ, —
Այլ զորապետ ու արքա, սուվերեն ու տեր, —
Մոգ ինքնախոհ ու իոգ, ճարտարապետ կարող, —
Պատկերների Արքիմեդ՝ ընդդեմ բարբարոս
Հորդաների ներխուժման՝ թեորեմն իր լուծող դեռ։—
Ո՛վ դու, որ պետ ես կարգել ինձ՝ տարերքին անդեմ,
Կույր տարերքի ու նյութի տեմդր կաշկանդող, —
Տնր զորություն լինելու, — ինքս իմ դեմ անդող,
Մութ ինքնությունը նյութի ձևով կաշկանդող —
Ով դու, որ վարպետ ես կարգել ինձ սկզբից ի վեր՝
Ճարտարապետ խոհերի, երազների, երգի, —
Գեղեցկության, դաշնության չեղյալ եզերքի,
Եղերական վարդապետ և
Տվե՛լ ես դու արդյոք ինձ՝ ձիրքից առավել,
Անգամ անհուն շնորհքից և հանճարից անգամ
Տասնապատիկ առավել կարևորը — կամք՝
Անեզրական երկունքով միայն տառապել...
Տվե՛լ ես ինձ զորություն անագորույն, դաժան՝
Չվարանել սաղմերի բեղմնավորման պահին
Չվարանել արյունից, սրածունից, մահից —
Հանուն ձևի ու խոսքի միակ սրբազան։
Տվե՛լ ես ինձ զորություն ստեղծագործ ոգուս
Ջարիուրելի երկունքի հրաշագործ ժամին —
Երբ կայծակներ են ճայթում, և շաչում է քամին —
Ոգևորման սանձարձակ հողմն հզորագույն, —

Երբ ամեհի ու հախուռն ոգևորության
Անանց քամին է շաչում անտառներում ոգու,—
Եվ խոհերի կապտափայլ կայծակն է զարկում՝
Հրկիզելով անդունդներ բեղմնավորության, —

Ես չգիտեմ արդյոք կամ աշխարհում մի այլ
Ստեղծագործ էակ, թեկուզ չնչին բացիլ, —
Իմաստագույն էակ կոչվող մարդուց բացի,—
Որ անխորհուրդ այսքան, այսքան շռայլ
Թե՛ առանձին, թե հետն իր նմանների բազում՝
Յուրաքանչյուրն ուրույն ճարտարության վարպետ, —
Այսքան անհուն, այսքան մրջյուններից տարբեր
Տնօրինի հանճարն ստեղծագործ, —
Այսքան անգետ մսխի իր ջեռացող ոգու,
Կայծակնացայտ մտքի, շնորհքների...
Օվկիանի նման անծայրածիր խորքի...

1937, մարտ



ՏՈՂԵՐ ԵՎ ՀԻՇԱՏԱԿՈՒԹՅՈՒՆՆԵՐ
ԴԵԿՏԵՄԲԵՐ
† Հղություն Ս. Աստվածածնի Աննայից — <i>9 դեկտեմբեր</i> † Ս. Հակոբ Մծբնա Հայրապետի, Մարուքե ճգնավորի և Մելիտոս եպիսկոպոսի — <i>14 դեկտեմբեր</i> † Ս. Դավիթ մարգարեի և Հակոբ Տյառնեղբոր — <i>23 դեկտեմբեր</i> † Ս. Ստեփանոս Նախավկայի և առաջին մարտիրոսի — <i>24 դեկտեմբեր</i> † Ս. Պետրոս և Ս. Պողոս առաքյալների — <i>26 դեկտեմբեր</i> † Ս. Որոտման որդիների՝ Հակոբ առաքյալի և Հովհաննես ավետարանչի — <i>28 դեկտեմբեր</i>

ՔՐԻՍՏՈՆՅԱ ՀԱՅԱՍՏԱՆ Կրոնական, մշակութային, լրատվական երկշաբաթաթերթ
 Հիմնադիր՝ Մայր Աթոռ Սուրբ Էջմիածին Հրատարակիչ՝ «Քրիստոնյա Հայաստան» թերթի խմբագրություն Գլխավոր խմբագիր՝ Նարինե Հովհաննիսյան Գրանցման վկայական՝ 624 Խմբագրության հասցեն՝ Մայր Աթոռ Սուրբ Էջմիածին Հեռախոս՝ (010) 517 280 Էլ. փոստ՝ qristonyahayastan1@gmail.com qrishay@etchmiadzin.am web կայք՝ krishayas.wordpress.com etchmiadzinlibrary.am/en/kristonya-hayastan Ստոր. տպագր. 10.03.2025 թ. Տպաքանակը՝ 1265